1

黄成垿口述 쬻筆譯

上海商務印書館代印

古逸史

字

Ш

列州藍田登揆洮蕃斯獻剝復相嬗或非虛也江寧吳廷變序

蒙古逸史序

蒙史期昭邊鑑得蒙古逸史譯而筆之靖難功臣不少元將永樂母妃或稱蕃女皆與 蒙文字動煩轉譯北陲多放書札不傳竟付冥茫有識嘅歎任先都護乘軺杭愛博徵 不異元朔明人瑣記亦謂脫脫自稱元帝以此度之也先而前制度法令當未盡冺華 花土木役後與郕王書所列達官太師右相厥惟也先左相而下知院平章爵號班秩 尠述職是之由和林放都額尼昭廟惠宗北狩紀年傳者宣光天元正統實錄脫脫不 **隆統志名日新藩嘉慶會典首諸外札邊帥之重每屬國人幕府之開不擇漢吏文獻** 會昌之集圖上點斯魏國之記道入回紇條錄邊瑣是曰相謨喀蒙在清歸附稍後乾 衰百數十年大端頗具嘉惠後學裨補國聞有足多者燕然都府已殊貞觀堅昆可汗 此書可以參驗呼韓來款郅支實避葉護入朝牟尼偕至惟同宗教乃屏蕃衞離合與 **遂册大中河湟之復當自有時春秋之祠豈存往籍掩卷三復式望明哲梁公爲相狼**

__

自家

其理然歟僧侶向治經典間及歷象巫醫之學其書又往往藏文蒙文從未有刊行之中人。然遠不及其深造而昌明也蓋荒寒廣漠之鄉。氣散而力弱不能使之有所發達。 思勃與始創文字。從而講求者。類多僧侶猶歐土中古之世。各國文學樞紐咸在宗教 意至善也書中序述中蒙關係及宗教變遷特詳於有清一代可爲綏邊政故之龜 沒矣黃生成垿。通蒙古文借鈔一書名曰保權作者意謂先烈威權。微斯作將無以保。 本間有一二先哲著述轉徙傳鈔。有如祕笈。蒙人視之亦不甚惜,行見與日月同 二。備客坐而已所謂書籍者。恆不多見。蒙古昔尙武功。初無文教可言。宋元之交成吉 中華民國六年丁已三月閩縣陳籙任先甫序於庫倫公署之環翠樓 因就黃生所述。泚筆譯之。旣竟乃爲編次目錄附綴按語並名之曰蒙古逸史。 **余嘗入蒙人家。探求書籍。見穹廬正中。置佛龕一燈熒熒。矮几陳供品。地上覆氆氌二** 其湮

蒙古逸史目錄

第一章 蒙古之立國及其變遷

成吉思汗事略 由共戴汗至孛端察爾也速該把阿禿兒

成吉思汗子孫之世系 成吉思汗三禮

蒙古建都北京 喇嚇教及蒙古文字源流 大明收回漢土

第二章 滿洲入主中國

哲里木盟四部十旗 业

Ħ 鍅

裳

古 逸

内蒙古六盟歸附滿洲及其世系

蒙

古 逸 处

> 目 鍅

烏蘭察布盟六旗 錫林郭勒盟十旗 昭烏達盟十一族 卓索圖盟五 旗

第三章 伊克昭盟七旗 外蒙古四部落歸附滿洲及其世系

汗山盟圖什業圖汗部落 喀爾喀名稱之緣起 克魯漣巴爾城盟車臣汗部落

齊齊爾哩克盟賽音諾彥部落

第四章

札克河源畢都里雅諾爾溫札薩克圖汗部落 哲布尊丹巴呼圖克圖之降生及滿洲對待外蒙政略

蒙古逸史

目錄

第一代至第十五代哲布尊州巴呼圖克圖時代政略第十六代哲布尊州巴呼圖克圖時代政略第十九代哲布尊州巴呼圖克圖時代政略第十九代哲布尊州巴呼圖克圖時代政略第十九代哲布尊州巴呼圖克圖時代政略

蒙古逸史 目錄




國之北平圖書能藏






(所之經學嘛喇印)圖 全 登 甘



(典大教黄為) 式轉迴 佛里達邁



成 蒙 像 汗 思 吉 īli




(鬼跳名俗) 圖之克札布跳嘛喇



沙地中銀棺似櫃以櫈承 陵在伊克昭盟札薩旗大 攝之祭祀分春秋二季蒞 之供置後毡房內看陵者 五百戶並設濟農

名官蒙統



外裹麻漆

在陵東八十里 頭爲鋼製高七寸寬二



像汗圖克圖呼巴丹尊布哲多克博代令

蒙古逃史

蒙文原著

卷。名曰保權。以貢世之君子。如承指际津梁。尤所欣幸。 可痛成吉思汗軼事及蒙古盛衰之歷史傳者甚鮮。余不揣讓陋舉聞見所及編成此 物之不若矣。祖父之源流。果置之不一研究。不啻被棄之兒。不自知其身所自來當不 著者曰。人爲萬物之靈。不知反求根本。亦猶森林中之一動物已。茍數典忘礼則又動

由共戴汗至孛端察爾也速該把阿禿兒第一章 蒙古之立國及其變遷

之制度以至現今各部汗王所守之基業須從古先印度共戴汗始共戴汗即位後一 **吾人欲研究蓋世英雄成吉思汗如日方升之崛起。及其綏服諸國之豐功。一統帝位**

家 古 逸 史

奪蔑兒乞人之妻訶額命爲妻。生四子曰鐵木眞日拙赤合撒兒日合赤溫日帖木格 幸端察爾娶布丹爲妻。遂爲一方之主名震西北生巴阿里歹及合必赤把阿禿兒合即上天所賜之子。爲蒙古之始祖。後爲孛兒吉斤氏孛兒吉斤即成吉思汗之族姓也。 升 必赤把阿禿兒生蔑年土敦蔑年土敦生合赤曲魯兒合赤曲 奔蔑兒干早卒,其妻阿闕豁! 帖國汗即爲孛兒帖赤那單傳至十一 墨黎逃居棍布娶豁埃馬拉爾為妻後同渡騰吉思河盤踞不兒罕合勒敦 呼木巴拉尊巴拉尊暴虐無道為其丞相所弑而篡其位三子失國分道出 百十二萬 ग 豁兒多黑 汗生巴爾 一千五百世傳至胡尊山達立為西藏第一代大汗又傳至第八代為赫 **申伯升豁兒多黑申生屯** 圳 把阿禿兒巴爾! 阿寡居時夜夢天神御白衣者與之交遂生孛端察爾此 坦把阿禿兒生也 世始分兩支日朵奔度兒干日都蛙鎖豁兒朵 必乃車臣屯必乃車臣第六子爲哈本 一速該把阿禿兒也速該把阿禿兒 魯見生海都。 山稱字兒 海都 一奔長子瑪 可汗。

赤斤其小妻達納錫生別克帖兒及別勒古台。

月也其父也速該把阿禿兒適俘其仇鐵木眞歸大喜遂以鐵木眞名其兒以志功也。 汗以救百姓 先是佛祖 一行。履之有感而醒是時紅光燭天途生一子。生時手握血 蒙古源流作生於壬午宋紹興三十三年與本書同蒙兀兒史作宋紹與二十五 止室按鐵木眞通鑑作特穆津廟號太祖元至大二年加諡法天啓運聖武皇帝。 有言曰將來世上有十二暴汗。以淫威蹂躪百姓天必遣神道降生夷滅暴 也也速該把阿禿兒大妻訶額命一夕忽夢在雪中尋覓馬跡見有足印 團知爲瑞徵時壬午年正

成吉思汗事 略

年乙亥與舊史本紀年分亦不相符。

翁吉刺德車臣問曰子將何往。也速該曰吾為兒兌婦德車臣爲曰吾夜夢白海青落 **鐵木眞年十三時,其父也速該攜之就親屬中爲之擇配途週其覓訶** 中。吾信此兆必應君家。吾有女九歲名孛兒帖願以妻君之子。也速該以女年稚。 額命。 呼那 特 Wi

允鐵木眞曰。且往相之如他日能得其助雖稚不恤也也速該甚韙其言見而大 邈 ijŧ

悅遂舉酒言歡脫驂爲聘。留鐵木眞於其家而歸後鐵木眞年十七字兒帖年十三始 ıjı

成婚禮。

又按蒙兀兒史世紀成吉思留爲贅壻。也速該把阿禿兒獨返下馬休息塔塔兒 推之作十三歲蒙古源流云。字兒帖甫九歲均與本書同較碻。 正室按元秘史謂鐵木眞年九歲孛兒帖年十歲結昏蒙兀兒史據太祖年壽考

之称蒙語把阿禿兒即滿語巴圖魯漢語勇也 卒。至元三年多十月追諡神元皇帝廟號烈祖。也速該勇而善戰故有把阿禿兒 中有人識之因挾舊怨置毒於食謬款之也速該既食中道毒發馳三宿至家遂

鐵木眞之姓孛兒吉斤。蒙文又稱爲乞顏特猶言天神與人間女子配合而生之子也。 震途建九鏃白纛於克魯漣河上復建四鏃黑纛於斡難河上歲次已酉爲諸部擁戴。 鐵木眞年二十八歲時。承先世之基業而撫有一方。嗣將十二暴汗。逐漸誅滅,威名始 乞顏之爲義。言天上靈氣與人欲混合特者相感之意此鐵木眞所以爲天子也。

號成吉 我錦繡之國於與諸臣视之如腹心愛之如手足現國基已立應定國號日青蒙古後 春月滿洲平察哈爾時。得之上中如天命所在。遂於是年四月即可汗位。改元崇德定 出奔時攜回蒙古恐為漢人所得埋之樹根深處至滿洲天聰汗立國搜求此寶十年 成吉思汗所用御寶世世相傳至第八世孫妥懽帖穆耳即第十五代可汗惠宗棄地 人遂有青蒙古之稱青之爲義盛也成吉思汗尚青。放其史傳亦稱青書。 石忽自裂。出玉璽一。寬三寸強。背有龍紋隱起。上有文曰受命於天。遂取爲立國之寶。 可汗位即位之前三日黎明有五色鳥飛集於門外方石之上呼曰成吉思成吉思。 思可汗。以應其兆時有部衆四十萬人。乃下詔曰。諸臣隨脫奔走。各以功力成

失越二百餘年。牧者見羊三日不食以蹄刨地掘得之後歸陵丹汗。今得於蘇 太后所文為漢篆制誥之寶四字。璠璵為質蛟龍爲紐光氣煥爛。洵至寶也 止室按東華錄天聰九年。多爾袞獲歷代傳國玉壓相傳元順帝攜逃沙漠後

國號曰清成吉思汗之寶自是遂歸滿洲

逸史

汗之地及其主權納其妃和拉豁爲夫人是時唐古忒之布和齊勒汗。因與成吉思 **夙仇欲圖報復謀未成其地已為成吉思汗所有。乃降詔曰。朕已以足踐仇人之** 思汗年二十九歲庚戌據有朮爾旗特旺崇汗之地三十一歲壬子據有高麗察

汗有

從天 背。 、窗冉冉而下。汗飲之甚美。其兄弟四人見之不樂。日天賜玉液。汗安得一人據 **.撫有其地布告大衆川示朕歡遂蒞行帳賜羣臣鳥查之宴忽有玉巵滿; 貯仙露**。

陸者汗立射殺之其名因而無聞。 從命令俯受驅策敢不唯命是遵者當共誅之後兄弟中有奪合撒兒所捕之雀而 汗以甘露,吾輩無福何敢分其餘潤,汗之福澤無疆天命所眷。我兄弟自今以後願服 獨享之汗領之。遂傳爵分賜其爵忽空諸兄弟大悟且慚而謝曰至強至大之上帝錫

成吉 滿洲之地加廟號曰聖武成吉思可汗。可汗素涎北京之地於弓弰上令縮繪 思汗三十二歲癸丑納塔塔兒克朝來之女二人爲妃三十三歲甲寅據有金主 北 京地

以示不忘三十四歲乙卯殺沙拉薩套爾部之汗而奪其五部落之地三十五歲丙

嶌 刌 滅 辰。 現大業已成暴虐已誅自今以往願與諸臣共享太平之福自戊辰至丙戌凡十有 滅 七 **学一暴汗**。 **、路汗曰。此乃上帝仁慈不欲朕多殺生命故遺使以示朕兆遂即日班師** 除衆復長驅向 歲戊辰、滅薩爾塔沁部。殺其汗而奪其地。始封其功臣九人。詔曰朕奉天帝之命。夷 殺哈耳流特汗。而奪其地四十五歲丙寅據西藏依羅等三省之地。虜藏民八十八 乃蠻部。殺其塔陽汗四十一 刺 事征服。 殺禿馬部之蘇 尾,其色綠。作人言謂侍衞者曰汝主宜早還汗以問楚材。對曰此瑞獸也其名角 室 按耶 專修內政以鞏國基成吉思可汗安享富貴國家亦蒙其庥其盛名亦 Mi 平其國並以餘力蕩平無數小 律 印度西征。 楚材列傳成吉 勒 壇汗。 渡赤哈特林嶺絕頂。忽有獨角獸奔馬前伏地羅 M 歲壬戌。搶廓羅斯之依關汗。 據其 思 地三十七歲戊午 可 H 征 東 印度。駐 國諸臣相隨左右輔弼大業備嘗艱苦。 鐵門 據有希羅特部三十九 而據其部 關。有 角獸。 四 一十三歲甲子。 形 Mi 如 還四十 拜從 嵗 廘 庚 MÎ

九

ti

逸

处

-t:

馮

端能言四方語好生惡殺此天降符以告陛下陛下天之元子天下之人皆陛下

Œ

又按蒙古稱帝曰可汗讀音如伊克哈干稱后曰可敦讀音如哈勝可敦亦夫人 之子,願承天心。以全民命,汗即日班師。

樂。巫應舉兵滅之以遂脫願。丁亥親征唐兀。兵臨罕蓋汗獵圍之次。成吉思汗誠其將 人統一天下。今雖有唐古忒全國之牛而希多爾古汗尚未臣服朕又安能自耽逸 日成吉思可汗忽墜馬乃仰天歎曰脫老矣脫志未酬而日月不居脫昔宣誓以脫

保首領乎。不然吾之威力。何以被禽。吾之名馬何以蹄囓。吾其休乎。成吉思汗聞而異 豢養之犬。名黑包丹。吾奉主命。來偵軍情。吾稱雄西夏久矣。莫敢予抗者。今日吾其不 衆因奉詔。不敢殺禽途行帳。汗見而呼之曰。噫子胡爲而來。黑人曰。吾爲希多爾古汗 卒曰。圍場之內。如來一牝鹿及一雄狼者。不可射殺。未幾果有一黑人騎黑馬而來。部 之不殺問之曰子之汗爲何等人曰吾汗日出爲斑斕之蛇日中爲斑黃之虎日入則

思可 浐 復率 師 如 四 邁途 邁滿 乃汗恭順有禮成吉思 可汗撫之日處亂 世 須

金色之兒捷

獼

派猴人莫能

節之。

共身處治學 鋒。滿 乃汗稽首受命而 世須善用其身子胡不深自藏匿。貧者恤之。老者安之。子之職 退造大軍抵唐兀以健銳圍其城三匝希多爾古汗被圍 也。幸 勿 急。乃 斌

變爲蛇成吉

思汗變爲鳳以制之。希多爾古汗復變爲虎。成吉思汗亦變爲獅以制之。

古汗

·技窮途

被執日子如殺我則 希多 爾古汗又變為黃金色之小兒成吉思汗現天神以降服之希多爾 禍及一身如不殺我則禍及子孫成吉思汗曰。吾不恤吾身。吾願

身。 有子孫也即拔 M 去。 一歸途成 思汗遂) W 渦 īhi 及 1.1 取 爾之子孫成吉思遂刺殺之果出白 創。 **弘**其匕首希 劍刺 思汗 大怒。遂縛其仇而投諸河。此河遂名為夫人河。後有寧夏趙姓父女二 渡黑河希多爾 之不死大驚希 多爾古汗日子今能殺我矣子慎之吉 古汗之可敦潛 多爾古汗日子之鐵何足以殺 1111. 伏河 如瀋乃下令收其親族 。呼爲夫復仇竟遂共志成吉 血之色白。 我趣取吾匕首來。 毀其屋 则 禍 及 爾

因

7i

Œ

史

人。就河中尋覓可敦之尸。不獲僅得其珍珠綠邊之羅襪一隻就河畔負土瘗之。轉瞬

成阜。名曰埋玉阜。 原文迻譯以存其眞。 止室按此篇所減事蹟離奇怪誕爲他背所未見且中多神話更無從考訂姑就

成吉思汗歸塗至六盤山病益劇自知不起忽大呼日。吾至愛至貴之孛兒帖可敦吾

日爾輩以朕待人之心待吾民脫之孛兒帖可敦窩闊台拖雷爾輩以事脫之心事之。 帳想之可汗詔之曰。美玉不毀。鐵鐵不鏞人身不能長保安得不歸故鄉復顧其羣臣 至寶之兩馬。吾大好之江山。吾至忠至順之臣僕行長別矣。言未竟。吉魯根巴禿亟入

丁亥七月十二日己丑。及於圖爾默格依城通鑑作多十二月誤舊史本紀蒙古 止室按成吉思汗卒於宋理宗寶慶三年七月。元秘史作豬兒年。蒙古源流 亦作

股大業已成。名震寰宇。死可無憾。言畢而殂。時丁亥七月十二日。壽六十六歲。

源流均作壽六十六與木書同蒙兀兒史據年壽考改正作七十一。未知孰是。

戀戀 成吉思汗梓宮以牛車螫之而還途過胡哥布爾地方車停不前,侍從咸以可汗陰靈 兹土遂即其地而葬之。並於其傍建白屋八所以居守陵官員

蒙古自成吉思可汗滅十二暴汗後始有一統可汗之號第一代爲聖武成吉思可汗。 在位三十八年。手創之業。據有唐古忒漢族囘族俄羅斯各地幾有世界之半。所滅之

海濱之夷。一東岸之夷。一胸前有眼之夷。一狗頭深目之夷,其言語不同之人民凡九 國多不能名之統稱爲五色四夷五色者青爲蒙古族凡十餘國紅爲漢族黃爲回族。 凡 版圖之廣無論東西南北自此端往彼端皆有一歲期程。 一十餘國黑爲藏族凡七八國白爲高麗四夷者小亞細亞歐維巴諸國分爲四種一

恆 成吉思汗即位之日。孛兒帖可敦受賀時雙類忽受虹光返映作五彩色豔麗異常後 [以胭脂漬其兩顴,大如黃豆,以示紀念。貴族命婦效之。奉爲定禮。相沿至今成吉思 成吉思汗三禮

平定天下,大享功臣必設全羊名爲鳥査之宴至今視同大典蒙古官員盛服出門。

蒙古逸史

必佩 可敦欲嚴男女之防遂有斯制。 刀匕實始於此。孛兒帖可敦又製長帔以賜命婦先是蒙古男女衣飾無

成吉思汗子孫之世系

皇長子拙赤封吐馬囘驅汗生六子。斡魯朵封束乞卜察兀第一汗巴禿封西乞卜察 赤台吉四妃也速生闖列堅台吉。 成吉思汗孛兒帖可敦生四子。長拙赤次察干台三窩闊台四拖雷次妃科倫生兀

皇次子察干台,封沙爾土耳親王設親王府於葉爾羌城。後復建都俄羅斯又封 子別兒哥封西乞卜察兀第三汗四子脫哈帖木兒封孛利亞特汗。 兀第一汗。亦稱吐赫汗。吐赫汗之子封撒里答汗撒里答汗之子封陽山汗·拙赤第三

昭爾巴思汗。昭爾巴思汗之子。封亞伯里汗。 **共國王。察台干生五子。長木阿禿干。襲父爵封亞卜茅汗。亞卜茅汗之子。封沙布** 沙布達里汗之子。封巴延塔密汗。巴延塔密汗之子。封亞布拉汗。亞布拉汗之子。封 達里

半建都於巴拉薩大城。四子爲康哥兒台吉封羅馬國汗。建都於聖波利大城五 察干台次子為也速蒙哥封密爾戡城汗三子為拜答兒瑪坦台吉。佔有印度全 字為 國之

皇三子窩闊台繼襲成吉思可汗大位在位十三年。親率大軍據黃河滅金渡鴨綠 帖木兒台吉對俄羅斯汗。建都於普特里大城。

皇四子拖雷為守陵主祭官其長子封蒙格可汗廟號憲宗四子忽必烈封車 廟號世祖。旭烈兀封波斯義闌克第一汗。忽必烈車臣可汗。有十子。長朵兒只次忙哥 臣 町

刺封安西王。三真金裕宗文惠明孝皇帝。四那木罕。封北安王。五忽哥赤。封雲南王。七

破高魔,其長子封古余克可汗。次子封闊端克汗。

止室按成吉思汗皇后孛兒帖為蔑兒乞人所掠後破蔑兒乞奪回途中舉一子。

奧魯赤封西平王八闊出討甯王九脫歡封鎭南王

拙赤爲成吉思汗長子。一日成吉思汗欲立太子。因問拙赤汝惟長子汝意云

次子察干台不悅日彼自度兒乞帶歸者兒輩安能聽其約束拙赤蒙語客也

逸 ijι

蒙古逸史

故不得立。親征錄舊史本紀作三子名窩闊台。蒙兀兒史記作斡歌歹。卒於宋淳 年辛丑多十一月追諡太宗四子拖雷通鑑作圖類卒於宋理宗紹定五年

十四四

又按何秋濤朔方備乘。元代北徼諸王傅。屠寄蒙兀兒史記成吉思可汗諸子分 壬辰冬十月追諡睿宗。 施元

喇嘛教及蒙古文字源流

地統屬圖及諸子世系表可參考。

成吉思汗之世。有和薩希喇嘛為喇嘛教教主至第四代蒙格憲宗時喇嘛教乃成

之後遺 立傳至西省東北始設教焉。蒙格可汗。因和薩希喇嘛爲成吉思汗時之教主亦敬重 人往聘和薩希已沒其姪薩沙行南班第特聞而大喜乃告人曰吾教昌 盛之

幣而 日至矣吾叔喇 來聘者即吾教發達之時,子可往應之。至是其言果驗。遂應聘而往蒙格可汗大 ·嘛彌留時。嘗詔余曰。他日有從東方來者。帽作象鼻式靴作豬! 頭 式。

喜途從其教並令創蒙古文字班第特居七年朝夕冥想終莫得字形之所宜一日忽

有婦人負樹枝入廟向之膜拜。班第特見樹枝槎枒恍然大悟乃仿樹枝形狀製蒙古

文字別清濁高下之音。定亞阿伊等四十四字字母。並分陰陽中三類。以爲文法之配

蒙古建都北京 路封帕克巴爲大賓法王又按楞嚴經頻那夜迦即豬頭象鼻二使者也。 止室按通鑑宋咸淳五年即元至元六年已已西僧帕克巴創蒙古新字頒行諸

地圖股安可棄北京而不居。察必可敦曰近伯顏丞相之夫人歸自北京。盛稱北京為 瘴癘不喜入居一日汗語察必可敦曰。吾祖成吉思汗在位時於弓弰上常縮繪 **遂爲蒙古所有事定命也先守北京至忽必烈可汗撫有漢地始議遷都因北京** 中原可傳檄而定也成吉思汗然之歲乙亥命左萬戶木合黎取北京也先從諜知金 成吉思可汗伐金時有一契丹人石抹也先來降首言北京爲金開基之地蕩其根本。 新易北京留守將至也先率數騎邀而殺之懷其所受誥命至北京徑入其城北京 地近 北京

士五

逸史

土。 可立城池,背有大王置一 金錢於北京城中。祝曰他日蒙古人如能以箭鏃貫此

爲蒙古國都。今一一皆驗。遂定議於至元元年遷都北京。修治城郭。

宮殿焉。

金錢。

北

京當

大

/明收回

漢土

講 之日。乃說之日。此地聞虎嘯則不利可於桑浩圖山之北窩闊台舊居之達蓋地方建 其地立一虎城以居是時有一 自忽必烈 扇射。在南方者尤弱。元惠宗知大勢已去不能自存。率六萬 可汗與喇嘛善率子弟皈依其教後天下晏安不事征戰者數十年蒙 漢人。精青鳥之術見虎城形勢雄偉恐元室將有復與 .人奔回克魯漣河。 即於

城較善於此此即今日所稱之額爾德尼昭也。 止室按元順帝失國。出走居開平,殂於應昌,其子愛猷識理達刺立。依王保保居

和 林明洪武五年。徐達李文忠馮勝分軍三路討之明年復遣將追敗之旋卒。廟

號 。昭宗,洪武十一年,順帝次子脫古思帖木兒立居捕魚兒海。爲藍玉所敗。遁至

圖拉 復紀年亦無廟號然稱可汗如故明崇禎八年即淸天聰九年滿洲大破察哈爾。 涧 被弑其子恩克卓里克圖立自是凡十七傳至陵丹汗多篡弑已不國。

哲布尊丹巴呼圖克圖忽自稱可汗。改元共戴至民國四年六月恰克圖會議立 至順帝凡十一傳都北京愛猷識理汗至陵丹汗凡十九傳居蒙古無定所蒙古 **陵丹汗卒。自是始不稱可汗。溯自成吉思汗至蒙格汗。凡四傳都和林忽必烈汗** 代稱可汗者。卜世三十四。卜年四百二十七而亡宣統三年十月。外蒙古獨立。

乃顏故地當另一虎城名同而地異 又按辣施特書。今黑龍江省呼蘭府西有巴爾斯和屯譯言虎城元時爲肇 約始行撤銷。 州。

飹

元惠宗之子孫後在蒙古各旗盟自立當另叙外惟共棄地出奔時。曾在北京宮中遺

更七月而產明太祖必疑為敵人之子。乃私自禱天願此子必十三月而生庶可免禍。 蒙妃名歡吉拉他氏已有身三月爲明太祖朱元璋所納妃朝夕憂慮恆自計曰如

史

逸

十七七

於殿庭東敗而西勝。翌旦命司星象之官卜之曰非龍也即帝新舉之兩太子也西方 後竟果然。遂留養宮中明太祖有一漢妃某氏適同時亦舉一子明太祖嘗夢兩龍

漢妃之子而篡其位此即明永樂成祖也。 年。蒙妃之子潛結羽黨率兵六千人南犯。並招集邊氓為前驅蒙人咸樂爲之助。遂逐 之龍爲蒙妃所生東則漢妃所出西方之龍他日必大貴以之繼承大統子孫必昌明 太祖不聽及長置之邊陲。受封於歸化城。洪武在位三十一年卒。漢妃之子即位越四

明成祖年三十二歲即位有爲之君。惜生非其時在位二十二年而崩成祖可汗實爲 元惠宗之遺子。以後相傳。凡十四帝。至崇禎帝年三十一歲即位。至第十七年滿洲順

封子九人為王。棣帝第四子。皇后出。封燕王即成祖。又二十三年庚午三月。燕王 室按通鐵明太祖洪武二年已酉常遇春克開平元帝奔和林三年庚戌四月

治汗入關明祚遂亡。

棣出古北口。偵知鼐爾布哈營伊都。冒大雪馳進。鼐爾布哈及耀珠等來降。旣而

命元 Ħ 赴北平聽燕王調用棣兵自是益強本書謂 蒙人成樂爲之助殆即指此。

滿 洲入 主 t|1

國

滿 **通於鴨綠混同愛滹三江。其發祥之地在山上日出之方為寧古塔西南三百餘** Ŧi. 百餘里山 洲 秨 可汗始於太祖高皇帝姓愛新覺羅氏發祥於長白山考長白山 E 有池名塔蒙特有 仙女三人浴於池季者有感而孕。遂生滿洲始 高二百里 里之 祖。

池

鄂多 葉赫哈連輝發烏拉等十餘部滅其族。遷都奉天稱盛京後又奄有大明之地合而。 爲大滿洲 金舊地建都寧古塔後勢力漸充至赫周 1里城 中滿洲始祖在城 中結廬而居。初有吉林之地。人之漸平隣左叛亂盡得遼 .阿拉而有蘇克素護河等十一 部落復征服

表到盛京上太祖高 滿洲之稱始於天命元年時達賴喇嘛班 皇帝 尊號為滿 珠錫里佛大皇帝適 禪藏巴率衞拉 愛新 特固錫汗等由 覺羅氏立國之初國號 匹藏遣使餈

珠。後由滿珠轉音又稱滿洲。此滿洲二字之所由來也。

裳

1;

巡

史

止室

按滿 珠錫里西域記作曼殊室利店言妙吉祥也。

Ŧ

高皇帝立國之初始創文字編定滿文十二字頭及一千五 百餘字母合而成字。

應用 太祖 育羣黎以固滿洲大業之基礎。 無窮現今皇帝復以歷代史鑑掌故經傳各書譯成滿文欽定版印頒行天下教

止室按東華錄滿洲未立國前已亥二月將蒙古字制爲國語創立滿文滿 無文字命巴克什額爾德尼噶蓋以蒙古字改制國書聯綴成句。 洲 初

門凡一朝帝王誕生之方向有門自崗以應天命南方擁汗門西方景英門業經前後相傳長自山鄂多里城中藏有帝王歷數秘書一册內載魯希彰城中本東南西北區 長白山鄂多里城中藏有帝王歷數秘書一册內報魯希朝城中有東南西北

關。 東方皇輝門北方鎭善門則至今猶閉不知何代始闢云。

學 滿 洲第 兵破察哈爾始得成吉思汗傳國之寶知天命有歸遂改元崇德元年。車臣汗卒廟 一代可汗改元天命第二代可汗爲車臣汗改元天聰都盛京在位第十年時。

[太宗岺皇帝以上各節在明萬歷天啓之問至崇禎時漢人大亂自相殘殺崇禎]

洲巳入奉天。並據有哲里木盟各部之地兵勢大盛遂分兵入山海關。代平漢亂而有 爲亂 所 追 自盡大將軍吳三桂不能自平內亂乃通 一款於滿洲請其帶兵入關。 時滿

其國则祚遂亡。 第二章 內蒙古六盟歸附滿洲及其世系

盟伊克昭盟各旗先後歸附滿洲之情形及各旗汗王之世系分盟列舉如右。 接近故受共影響亦最早故將哲里木盟卓索圖盟昭烏達盟錫林郭勒盟烏蘭察布 滿洲之崛起長白山也勢力雄偉幾藍元代所征服之地而有之內蒙各部與之最爲 哲里木盟四部十

中旗。科爾沁左翼中旗。科爾 哲里木盟所轄為科爾沁札養特杜爾伯特郭爾羅斯四部內分十旗曰 沁右翼前旗科爾 沁右翼後旗科爾 沁左翼前 科爾 旗。 沁 爾 右 沁

旗

左翼後旗札賚特旗杜爾伯 分爲十旗天命十一年立科爾 特旗。郭爾羅斯前旗。郭 沁札薩克和碩 爾羅斯後旗的於天命 親王署理多羅貝勒旗崇 九年歸 附

×

科爾 沁 札薩克和碩達罕親王署理卓里克圖親王旗又親王貝子旗又多 糴

王旗又 斯鎭國公旗順治 圖 什業圖公旗順治 和碩貝子旗。又札薩克圖郡王旗。又札薩克圖賓圖王旗順治 七年立科爾 Ŧi. 年立札資特多羅貝勒族又立杜爾伯特貝子族又立郭 沁多羅貝勒旗。康熙四十年又將郭爾羅斯旗內分為 元 (年)立科爾 爾羅

旗、 兩 在 瓧 阿闌 爾伯特。名錐相同而種族各異一姓卓羅威辣特氏爲台吉巴延汗之後,共一四 索圖盟五旗 呼穆地方。一姓孛兒吉斤氏即成吉思汗之後在哲里木盟。

斯公貝勒旗十旗之祖皆成吉思汗之弟合撒兒合赤溫二人之後考蒙古有

郭爾羅

卓索圖溫分五旗日喀喇沁右旗日喀喇沁左旗日喀喇沁中旗日土 默特左翼旗。日

卓

伊洛 喀爾 ·勒地方。名其所轄之部日喀喇沁伊洛瑪有子二人日格勒日布洛特遂分喀喇沁 瑪之後,伊洛瑪爲成吉思汗九大功臣之一。七傳至和屯有衆六千戶。後移額眞 喀右翼旗。均於清太宗睿皇帝崇德三年。在奉天時歸附為元代札魯齊台之子。

|旗父子三人分管之以土默特旗歸其父天聰元年。喀喇沁立爲札薩克多羅都

偷 章京 那王 衙門 **|旅有協理公二人。又鎭國公貝勒旗兩旗。漢蒙事件及徵** 辦理康熙十一 年又立喀喇沁額駙貝勒旗又在塔子溝設立 政科稅等在八 章京 溝 衙

博羅 管理蒙漢及徴收事務。土默特左翼旗。立於天聰元年。左翼旗內。 缺名為右翼立於康熙四年以賜成吉思汗第十五: 五年爲巴圖 特之後因 蒙克長子圖 三其有功於滿洲故特封爲貝勒。土默特右禦 魯博 羅特之後山祭哈爾分出 世孫 以上左右異兩旗漢蒙徵 札薩克貝子一 巴圖蒙克之三子巴爾 有喀爾喀多羅 旗立於順 員勒 斯

達盟所轄十一 昭 烏達盟 于一 旗 · 均於清太宗睿皇帝在奉天時歸附。 一敖漢

收

事件亦設有章京司之。

蒙事 昭 爲成吉思汗 路子 第十五世孫巴圖蒙克達延車臣汗之長子圖 **溝章京衙門管轄一巴林札薩克多羅郡王** 旗 貝 〈勒右旗。 魯博羅特之後本旗漢 礼薩 克多羅 巴林 札 那

γi 遒 处

四

逸 史

固 Ш 貝子 左 旗立 於順治二年爲巴圖蒙克達延車 臣汗 第 五子阿 靭 楚博 沿維特之後。

以 विव 旗 Ŀ 잿. M 於 旗 顺 漢 **蒙事** 治五 华。 伴。 亦巴 歸赤峰章京衙] 圖蒙克: 2第五子 鬥管轄。 阿 靭 札 楚博 魯特 於維特之後。 札薩克多 奈曼 **一羅達罕貝** 礼 햁 売多 靭 左 糴 右 貕

第六子 罕那 座塔 E 斡齊 章京 族。 酮 衙 於崇德元 博 ľij 管轄 羅 特之後。 年爲巴 克什 ----Kiij 克 爾 騰 蒙克長子 札薩克 科 爾 沁 ,圖魯博 札薩 頭等台吉旗立於順 克多 羅特之後以上三旗漢蒙事 羅 貝 勒 旗。 治 於順 九年爲巴 治 元 年爲成 圖 |蒙克 伜。

馤

脏。 多羅達罕 吉思汗之弟 漢蒙 事 沿青 件。 儲 拙 赤峰 貝 赤合撒兒之後 勒旗立於崇德元年。 章京 衙 jrj 管 __ 翁 轄。 4: 爲 特 成吉思汗之弟帖木格斡赤斤之後以 札 薩克 多羅 都 偷 那 王旗。 翁 4 特 札 薩

四

喇 爾 此 **嘛管理俗名小庫倫漢蒙事件歸三座塔章京衙門管轄** 長 外 子 尙 囫 有一旗名喀爾喀左翼札 什 海之後原屬 於喀 爾 喀札薩 薩克 多 克圖汗 雞 貝 靭 旗為巴 部 落。 改隸於昭 一圖蒙克第八子 烏達盟後歸錫 格 埓 淼 埓 札

錫林郭勒盟十

旌

巴哈那爾右翼札薩克多羅貝勒旗立於康熙六年以上四旗爲成吉思汗之弟別 郡 多羅郡王旗。均於順治三年設立以上六旗皆巴圖蒙克長子圖 立於崇德七年。一浩齊特左翼札薩克多羅額爾德尼郡王旗一浩齊特右翼札薩克 臣 旗。 錫 三年。一蘇尼特右翼札薩克多羅都倫郡王旗。一蘇尼特左翼札薩克多羅 台後 | 噶右翼札 親王 皆降於崇德六年,其各旗設立之前後列舉 Ξ 林 八日股賴 一旗立於順治八年。一阿巴 郭 勒盟 **人。別勒古台為成吉思汗弟輩中之最 旌立於崇德六年。一鳥珠穆沁左翼札薩克多羅額** 薩 别 + 克多羅卓里克圖郡王旗立於崇德六年一 旗 勒古台之勇合撒兒之善射以有天下,其後人亦勇冠各族蓋有所自 内 惟 阿巴哈 一哈那爾左翼札薩克固山貝子旗立於康熙四 那爾左 右翼兩 如下。一 旗於康 **勇者相隨戎** 烏珠 熙 四 阿巴噶左翼札薩克多羅 馬立功最多成吉思汗嘗 爾德尼貝 穆 华 沁右翼札 始 魯博羅特之後。 行歸 《勒旗》立 附 薢 滿 那 克 洲。 年。 於 其餘 王 和 旗。均 順治 碩 Knf Knf 勒 車

尝

炉

來 矣。

裳

古 逸 史

十六

九代可汗即最後陵丹汗之七世祖也有子十人。長子圖魯博羅特圖魯博羅特 生二子長日博迪明嘉靖二十三年襲其祖大位為第三十代可汗其子孫分浩 止室按巴圖蒙克為成吉思汗之第十五代孫元順帝之第七代孫蒙古第二十

齊特蘇尼特烏珠穆沁各部次日納密克其子孫分敖漢奈曼各部。

特各旗四子阿爾蘇博羅特無後五子阿勒楚博羅特之後分札魯特巴林各旗。 巴圖蒙克次子烏魯斯博羅特無後三子巴爾斯博羅特之裔分鄂爾多斯土默 克後人分於內蒙古各旗之世系其在外蒙者。當於第三章內另按。 六子幹齊爾博羅特之後分克什克腦旗。七子格均博羅特無後以上爲巴圖蒙

叉按別勒古台為成吉思汗最幼之異母弟有子三人,曰罕忽禿日也速不花日 溫不花其裔不甚蕃衍忽必烈汗入關後世封一人爲廣寧王

烏蘭察布盟六旗

順 伊克昭盟七 中札 子王 青。 遊 爾 以上四旗均拙 年。原爲喀爾喀阿巴岱賽晉汗之弟後 成吉思汗之弟 餘 治六 喀名稱冠其旗以示區別烏蘭察布盟歸綏遠城將軍直 Ŧî. 蘭 近旗均於滿 薩克輔國公旗的立於順治二年一茂明安札薩克頭等台吉旗立於康熙三年。 |旗一鳥喇特前翼札薩克鎭國公旗。一鳥喇特後翼札薩克鎭國公旗一鳥 |牧於呼倫貝爾是時稱爲北蒙古。諾彥台生四子。各立門戶以居。遂名其: 伊 察布盟六旗中唯喀爾 年漢 克阳 旅於天聰元年歸附滿洲一鄂爾多斯右翼 蒙徵稅事件歸寧夏章京衙門管轄。一 淵 七旗 赤合撒兒之後。一喀爾喀右翼札薩克多羅達罕貝勒旗立於順治十 拙赤合撒兒第十五 洲未入關前 歸附。 喀右 異札薩克多羅 世孫諾彥台之後。考諾彥台同其弟混德勒 四子部落札薩克多羅達罕卓里克圖 人向屬圖什業圖 達罕貝勒 鄂爾多斯左翼中 中 汗部落後始 札薩 造接管轄。 旗於順 克 多 **温静附故仍** 羅 札薩克多羅那 治十 貝 勒旗。 那 华 地 始 王 宣於 以喀 喇特 勒岱 旗為 日 降

四

其

裳

7;

逸

业

二十七

遾 史

×

4

旗漢蒙徵稅事件歸 立於順治六年一鄂爾多斯右 旗。 鄂爾 酆 多斯右 爾多斯左翼前札薩克固山貝子旗一鄂爾多斯左翼後札薩克固 製削 神木 札薩克固山 /章京衙 門管轄。伊克昭盟七旗。均爲巴圖蒙克第三子 翼前末札薩 員子族一 鄂爾多斯右 克頭等台吉旗。立於雍正九年。以上六 翼後札 薩 克固 Ш 貝 Ш 色爾 員子

旗。

抣

斯博

羅特之後。

彼此失和。 伊克 克之賢能者專司其事道光八年喀爾 Ŧi. 百 戸毎 昭 搅 各自具本奏請 年徵銀五 內有成吉思汗陵寢每年祭祀事宜由本盟七旗輪流值管設有守陵馬 百 兩爲祭祀 之費守陵馬 喀 車臣汗及內外蒙之札薩克王公等因 甲不屬 思汗守陵官員前 王公管轄另 ſij 本盟公舉 派定專員 札

管理 不 雅 無 浟 率行 更 動。 70 着照 舊辦 11 並交理藩部 傳諭蒙古各王 公 體知 悉。

辦

法旋奉清

帝諭旨以成吉

經

給印信管理旗務世襲罔替又載蒙古事件凡屬八溝三座塔烏蘭哈達塔子溝。 Il: 按以上為內札薩克六盟 四 + 儿 旗。 迎滿部 則例 戦毎 旗設 札薩克一員頒

汗部 外蒙古又稱外 第三章 徴一千四 額毎 座塔即唐之營州遼之興 平行應行府州縣以下公文均川牌檄字 各章京等體制與神术寧夏理 以上四處理事章京每二年更換一次各頒給滿漢蒙三體字樣理事關 司 玔 一兩零八分鳥闌哈達每年 員各 克魯 章京 年應徵稅銀 一員雕紮辦事。 外蒙古四部落 漣巴爾 札薩克蒙人自 百四十七兩零四 管理者均歸 城盟 一萬一千五 塔子 車臣汗部落一札克河源畢都 熱河都統統屬 |稀日喀 中府八 hi 游。 附滿 分五釐叉按烏蘭哈達譯言赤拳也今為赤峰州三 應徵一千八百三十七兩 事相同。 |百十二||兩六錢塔子溝每年應徵五千九 爾喀 洲及 **滞漢古北平之故地** 派 理 《其世系 分四部落又曰 藩 與本省司道往來文移及晉接儀注分屬 八溝三座塔烏蘭哈達三處向 ,樣府州縣對於理事均用呈文八 部筆 帖 式一員駐劄辦事後改 九錢八分三座 里 四 也。 雅諾爾盟 ini. 一汗山盟。 札薩克圖 路每 派 圖 爲司員。 什 百 防 理 八

颗。

Œ.

ijι

二十九

家

후

征代 部 浴。 平之始行歸附故獨在內蒙六盟之後 :一齊齊 爾 哩克盟賽音諾彥汗部落喀爾喀因準噶爾噶爾丹之亂滿洲皇帝親

喀爾喀名稱之緣起

去。 附先後之次序分爲三喀爾喀一曰舊喀爾喀即內蒙歸附而編爲各旗者一曰內喀 屏藩內有六盟。 言屏滿也又據某書云成吉思汗第十六世孫格埓森札拉爾移居杭愛山後始稱外 **尊丹巴呼圖克圖廟中。有某代御製碑一。內有句云。京師爲全國首** 喀爾喀之名 本爲三部。 為喀爾喀其子七人後嗣蕃衍分為東西中三路設立三汗以分治之故喀爾喀 平元惠宗允其請遂以所居之地釐定界域名曰喀爾喀此一 回蒙古明太祖遣使賚以金帛並與之約日以蒙古之地爲界彼此不相侵犯共 和始於蒙古國為漢人明太祖所侵之時洪武元年元惠宗自知大 即圖 外有 **一什業圖汗。車臣汗札薩克圖汗也。又云滿洲開國之始披蒙古歸** 喀爾喀部落喀爾喀向為鞏固之屏藩云云喀爾喀漢文意義猶 都京師 說 心叉云在哲布 以北為國 事已

爾 喀現歸內蒙管轄之喀爾喀各旗也一曰外喀爾喀爲最後降淸之四部落即

外蒙古之圖什業圖汗。車臣汗。札薩克圖 [汗。賽音諾彥汗是也。

汨

IJ

盟圖什業圖

汗 部落

吉旗後路左翼末札薩克頭等台吉旗後路右翼左札薩克和碩親王旗後路左翼左 公旗後路右翼右末札薩克輔國公旗後路右翼右末次札薩克頭等台吉旗後路右 後札薩克頭等台吉旗後路右翼左末札薩克頭等台吉旗後路右翼右札薩克輔 札薩克輔國公旗後路左翼左中末札薩克輔國公旗後路左翼右末札薩克頭等台 旗。後路左翼中札薩克多羅郡王旗後路左翼中左札薩克頭等台吉旗。後路左翼前 **墾末札薩克頭等台吉旗後路中右札薩克多羅郡王旗後路中右末札薩克輔國公** 貝子旗後路中次札薩克頭等台吉旗後路中左札薩克公街頭等台吉旗後路 圖 什 業圖 汗部落。凡二十旗爲後路斡齊賚巴圖圖什業圖汗 :旗後路中: 札薩克固 中左 Ш

裳

Υi

逸 ijι 札薩克鎭國公旗,均於康熙二十七年歸附滿洲為成吉思汗第十五世孫巴圖

蒙克第八子格埓森札拉爾之第三子諾高和之後 裳 Œ

旗。 諾高和長子名阿巴岱汗之後,共分中七旗,其次子名阿布琥之後,共分墨爾 與在內蒙烏蘭察布盟之喀爾喀右翼札薩克多羅達罕貝勒旗爲近支。

克魯漣巴爾城盟車臣汗部落

前 貝子旗東路中末次札薩克頭等台吉旗東路中末右札薩克頭等台吉旗東路左翼 車臣汗部落凡二十三旗為東路車臣汗旗東路中左札薩克固山貝子旗東路中左 旗。 策路 礼薩克頭等台吉旗東路中右札薩克多羅郡王旗東路中右後札薩克頭等台吉 中前札薩克頭等台吉旗東路 中後札薩克輔國公旗東路 中末札薩克固山

公銜 中札 等台吉族。東路右翼中右札薩克輔國公旗東路右翼中前札薩克頭等台吉旗東路 吉旗東路左翼前札薩克鎭國公旗東路左翼後札薩克頭等台吉旗東路左翼後末 薩克 札薩 和碩親王旗東路左翼左札薩克頭等台吉旗東路左翼右札薩克頭等台 克頭等台吉旗東路右翼中札薩克多羅貝勒旗東路右翼 印左 札薩克頭

右 翼左 札薩克頭等台吉旗東路右 運前 札薩克頭等台吉旗東路右翼後 札 藰 克頭

等台吉 子阿 E 敏 兩 ini. 旗。 都 均於 刺 所分轄之四 爾 众康熙二 之後。 干三族 + 乜 华 沒哲布 歸附滿洲。 爲成吉思汗 十六世 。舉等均歸庫 孫格 埓 倫辦 森 礼 拉 爾

Ŧī.

制。以 札 薩 克 札 克河 汗部 源 落。 畢都里雅諾爾盟 凡十九旗爲 四 札薩 路 額 克圖 尊丹巴所屬之沙 爾德尼酮 汗部落 什時 勒圖 札薩克圖汗 旗。 事大臣 四 路 中

札 旗。 薩 翼左 陸 西路 克 克 頭 那 中右翼 頭 等台吉旗 王銜 後 《等台吉族》 礼 薩 札 克輔 末次札薩 薩 西路 克 多 國 冱 中右翼 糴 路左翼右札 公旗西路左翼後末札 負勒 克頭等台吉旗。 左札 旗。 西路 薩 薩 中左翼 克 克頭等台吉族。 鎭 西路 國 左翼 公旗西 薩克頭等台吉旗。 右 札 中 薩 酒路 **克軸** 札薩克鎮 路左翼前 中 國 公旗。 右 選末 西路 國 札 迺 薩 公旗。 札 路 右 克 西路 薩 中 輔 前 克 左 國 左 翼 輔 札 公 旗。 翼 國 末

札

西

荥

古

逸

史

頭等台吉旗。 西路右翼後札薩克頭等台吉旗西路右翼後末札薩克頭等台吉旗。 邈

路右 翼右 札薩克輔國公旗西路右翼右末札薩克輔國公旗附在札薩 克圖汗 部落

輝特札薩 盟之喀爾喀左翼旗皆由此部落本支分出。 特歡那顏之後。青海喀爾喀札薩克旗及內蒙卓索圖溫之土 均為格埓森札拉爾長子阿什海台吉及其次子那顏泰四子德勒登昆都倫七子鄂 克頭等台吉旗中有十旗。降於康熙二十七年。餘九旗降於乾隆二十二年。 一默特左翼旗及昭鳥達

賽音諾彥之部落原屬圖 一什業圖 汗部落管轄於雍正 华 間始行 分出。

齊齊爾哩克盟賽音諾彥部

落

+ 四旗爲中路賽音諾彥札薩克 和 **碩親王旗中** 路 中左札薩克多羅貝 另立一部凡二 勒旗。 中 路中

左末札薩克和 **碩親王旗中路** 中右 札薩克多羅 郡王旗中路中右末札薩克頭等台

頭等台吉旗中路中末札薩克鎭國公旗中路左翼中公銜札薩克頭等台吉旗中路 旗中路中前 札薩克多羅貝勒旗中路中後札薩克 |輔國 公旗中路 中後末 小札薩克

札薩克 軸 國公旗。 中路左翼左末札薩 克頭等台吉旗中路左 Ą 右 札 薆 克

十七年額 克輔國 等台吉 固 右翼後札薩克頭等台吉旗中路右翼後末札薩克頭等台吉旗附額 右翼中末 Ш 員子 公 旗。 心 咎特兩 旗。 旗。 礼薩 中路右 中路右翼前 完頭等台吉旗中路右翼左末札薩克頭等台吉旗中路右翼 魯特左札薩克固 ·旅。降於康熙十一年及三十六年。賽音諾彥二十二旗爲諾· 翼 中左札 札薩克輔國公旗中路右翼右後札薩克多羅 薩克輔國公旗中路右翼中右札薩克頭等台吉旗。 山貝子旗本部落內喀爾喀二十二旗降於康熙二 魯特前 郡王旗。 高 末 札 和第 薩克 中路 札 中路

以上 **額赫蒙之後。均於乾隆五十六年。歸併於賽音諾彥部** 三子圖蒙肯之後。額魯特前旗貝子。爲最先襲鸖加布丹王之後。額魯特左旗爲台吉 兩盟。 所分轄之四十三旗漢蒙事件均歸烏 ^川里雅蘇 落。 台將 軍節 制。

子七人。長阿什海次那顏。泰其後人分札薩克圖汗部三諾高 止室 古 按喀爾喀四部皆巴圖蒙克第八子格坞森札拉爾之後格 鋔 史 和諾高 将森 和 札 長子 拉 爾

三十五

蒙 邁 处

格均森 刺勒之後分車臣汗部第六子某早卒無後第七子鄂特歡那顏之後分札薩克 巴岱之後分局什業圖汗部三子圖蒙肯之後分賽音諾彥部 札拉爾之第四子德勒登昆都倫之後分札薩克圖汗部第五子阿敏都

巴圖蒙克之第九子。鄂博錫袞青台吉。第十子格将圖台吉之裔均式微無 可效。

圖汗部格埓森札拉爾一人實爲外蒙四部之支祖。

之汗相等。後康熙三十年。圖蒙肯之孫善巴。受滿洲封爲札薩克郡王。其所屬之官吏。 賴喇嘛甚善其意欲倚為外援,封以賽音諾顏王尊號,其價位體制與喀爾喀三部落 先是蒙古紅黃兩教不和諸高和之第三子圖蒙肯向來尊崇黃教多所維持西藏達

編爲佐領歸圖什業圖汗部落筦轄至雍正三十年。其支派共分十九旗奉旨另立一

屬圖什業圖 汗節制善巴之子達錫多爾濟世襲父爵封爲賽音諾彥親王是爲

喀爾 喀之中後路各旗後又續加三旗復將額魯特兩旗歸併,共成爲賽音諾彥部二

。喀四部八十六旗除額魯特兩貝子旗外均爲成吉思汗之子孫出於孛兒吉斤

喀爾 一姓云。

止室按以上爲外札薩克喀爾喀四部八十六旗理藩部則例載每旗設札

界以杜爭端而於在邊貿易者約束亦便雍正五年欽派大臣察畢那特古忒圖 理琛三人。前往勘定設卡倫五十九所。每卡設章京一員。率兵攜眷戍守。時庫倫 又按松筠綏服紀略圖詩註載世宗憲皇帝登極因俄羅斯毘連喀爾喀應與定 喀札薩克內擇放所屬庫倫理藩院司員一人筆帖式二人恰克圖理藩院司員 叉按會典載設庫倫辦事大臣二人。一由在京滿洲蒙古大臣內簡放一由喀爾 一人。管轄卡倫會哨之各札薩克。以理邊務凡行文皆用庫倫辦事大臣 員頒給印信等理旗務世襲罔替。 節信。

定所疆界既正相度得恰克圖地設立市集派理藩院司員一 人。駐剳辦理三年

炭

古 逸 史 尚未派駐防大臣凡此卡倫總令喀爾喀王丹津多爾濟統轄先是民夷交市無

換。 占

蒙

处

開關 通 市之始也丹津多 一爾濟卒其孫宰桑多爾濟襲職整頓卡倫愈益

完善繼以夷務漸繁於乾隆二十六年派欽差大臣會同宰桑多爾濟協辦此庫 又按張穆蒙古游牧記賽音諾彥族札薩克和碩親王之第四子圖蒙肯尊黃教 倫大臣駐劄之始 也。

們罕號於達賴喇嘛順治十二年。遣子弟來朝。詔丹津喇嘛領左翼札薩克之一

爲之護持。唐古忒達賴喇嘛賢之授賽音諾彥號。圖蒙肯次子,升津喇嘛復受諾

歲貢九白如三汗例,十八年賜遵文順義號。鑄印給之康熙三年。復賜丹津喇嘛

圖什業圖 孫善巴信順額爾克岱青號二十七年。善巴率族屬來歸三十年編所屬佐領麗 汗部落對善巴爲札薩克多羅郡王三十五年晉封和 碩 親王先是喀

年以善巴曾孫諾爾布札布襲賽音諾彥號,視同三汗,均罔替又載額 爾 、喀分設中路時。但以賽音諾彥名其部以示別於三汗未議襲號乾隆三十一 魯特舊分

部日和碩特。日準噶爾。日杜爾伯特。日土爾扈特。部自爲長號四衞拉特統稱

瀬魯特即明史所謂瓦刺者也。

又按成吉思汗姓。元祕史各書均作孛兒只斤乞顏特。外蒙人自言爲孛兒斤格

特內外蒙口音疾徐高下。大有不同。譯音本不易。亦各從其是已。

哲布尊丹巴呼圖克圖之降生及滿洲對待外蒙政略

第一代至第十五代哲布尊丹巴呼圖克圖紀略

第四章

府。與哲布尊丹巴呼圖克圖接近之情形。及其對待蒙古之政略不得不先將其歷代 黃教發源於印度哲布尊丹巴呼圖克圖自第一代至第十五代均在印度或西藏降 生與蒙古關係較淺,顧爲蒙古宗教政治源流所在。吾書欲序第十六代以後滿洲政

第一代哲布尊丹巴呼圖克圖。名羅克新圖嘎瑪勒。生於印度釋迦牟尼時代為釋迦 世系舉其大要如下。

牟尼五百佛徒之一。

第二代名巴爾畢珠佛。生於印度那琳德耳廟為那甘珊佛徒之首領。 古 逸 史

裳 占 嘎布卓特巴 生於印度呼 畢齊丹汗時代。 遾 史

第三代名那

第五代名羅碩木柴桑。生於西藏為卓布阿地 第四代名岡丹博夫勒生於印度察林達爾汗時代。 沙呼畢 勒罕。

第六代名達爾馬旺楚克生於西藏為達巴台呼畢勒

第七代名鄂特沙勒邦。生於西藏為巴延札木札呼畢勒罕。

第八代名布倫代木察生於西藏為楚林呼畢勒 第十代名僧格巴達爾。生於西藏爲布特林 下呼畢勒

第九代失傳。

第十一代名達錫巴爾丹生於西藏爲宗漢巴佛之高徒曾創建大廟。

第十二代名吹眞加特。生於印度邊地薩克嶺地方。 第十三代名渾嘎都勒楚克於達賴喇嘛都札木蘇之世。 生於 (西藏拉)

里地方。

第十四代名哈吉帖薩楊於巴爾巴里汗之世。生於西藏海亞地方。

札木察喇嘛年三十五著有經典說明印度佛教發達沿革年四十二歲在西藏創立 五代名哲布尊達爾那達。生於西藏巴朗地方。年三十時受格隆戒於札 陽 公里

大廟旋由蒙古延請駐錫蒙古並建造寺廟。 第十六代哲布尊丹巴呼圖克圖時代政略

皇帝崇德三年。遣使清廷。進貢駝馬及俄國槍礮等。旋奉清帝諭旨。外蒙三汗准貢九 德元年次年其父袞布多爾濟與車臣汗碩望札薩克圖汗索寶第同降滿洲太宗文 第十六代哲布尊丹巴呼圖克圖降生於喀爾喀圖什業圖汗部落在蒙古爲第一代。 名羅布藏旺比札木薩為圖什業圖汗袞布多爾濟之子。生於明崇禎九年即滿洲崇

爲溫 哲布尊丹巴四歲時在烏奢爾巴林受戒五歲復受畢拉特戒即於是年昇坐法座奉 都爾格根。

自。

止室按喇 古 逸 **嘛教剿襲釋氏奪舍之說。遂創呼畢勒罕借胎降生之例。自印度西藏** 史 四十

古 十五代以來。沿習成風蒙人亦窺見其奧蘊遂有哲布尊丹巴降生蒙古之 邈

吏

議。圖 由 貴族之權勢。舉其五歲之兒為蒙古活佛之始祖。此哲布尊丹巴降生蒙古之所 來 也。 一什業圖汗裒布多爾濟。欲擁護蒙古勢力。種種設施。不遺餘力。卒以喀爾喀

順 治元年外蒙圖什業圖汗等因事遣使入觐並貢駝馬。 貢 又按理藩院則例喀爾喀圖什業圖汗。車臣汗哲布奪丹巴呼圖克圖。每年均准 九白用白駝一隻白馬八匹此外王公不得擅進九白。

落 亦派官隨同助剿騰機思大敗喪失駝馬千餘匹有蒙官袞布者亦乘機搶 三年錫林郭勒盟之蘇尼特部長騰機思叛清帝命多鐸親王率兵討之圖什業圖汗。 人民 牲畜於騰機思北竄時復多方袒護清帝大怒嚴旨申斥適有喀爾喀 掠巴 額 爾德 林

尼 **[圖音王]入京貢馬歸奉淸帝面諭合力捕獲騰機思解送北京並將各部被擾人畜**

四 年 哲 布 尊丹巴呼圖克 圖。 溫都爾格根在額 爾德尼昭立廟並創設城 市。名 四 庫倫。

Ŧi. 年 騰 機 思敗降袞布 奏求加 恩 免 罪奉旨令其子弟入京觐見 均懼 不 敢

哲 年哲 由 布 西藏 尊丹 布 歸 É 尊 時。攜 一爲呼圖克圖。 护巴 帶 呼圖克圖移駐 酹 卓 特 准 巴格 甪 緞 緞。 思貴。 額 並 爾 以西藏 徳尼 及塑佛匠 昭 喇 唪 人等五 **嘛廟所藏之經卷分賜之哲** 經。 西藏 達賴 十餘人唐古忒 喇 嘛 那旺 喇嘛 魯 机木蘇。 十餘 布 尊 丹 封

布 爾。 袞 率 年 布 衆入 爾 淸 不 回 帝 肯 、降旋封 旗然後交出 命副 將 所搶巴林部 大臣 爲 重 札 人 薩克親王在張家 里 、畜清 克圖來蒙查 人畜 |如數交出僅將駝 帝大怒降諭 辦 袞布案袞布 П 外塔魯 日衰 加隻馬 布 遠抗 渾 仍抗旨不交 河 朕 地方賜地遊 八匹入貢奉旨嚴責。 諭 不造 八畜其 子 弟人 牧衰 難逃 布 族 奏請 人布 擅

令

遂令匠

人

在外蒙古

建五

塔

廟。

九 妄爲降諭之後如 乏貢。 巴林 人 (畜復抗不交出。 果袞布懼罪悔過遵諭辦理布塔爾 有 此三大罪竟敢要求遣 亦無 放來 得 歸之人回 11 旗。 此 旗。 降諭知之 殊 屬 膽

古 逸 史 四十三

鵔

欽此蒙古人衆。甚爲震恐。遂於秋九月入貢九白。貢使抵張家口時奉旨蒙古違抗朕 所有原貢品着一律退還不收。 Ŧ

十一年外蒙古創建汗大廟。

十二年圖什業圖汗察暉多爾濟為準噶爾翼長。率其族人墨爾根諾彥達爾罕諾彥。

概責令追補。其餘各台吉塔布靈等不合九白制度者。各按其牧地收入酌量納貢。 爲八札薩克。分左右兩翼,封墨爾根諾彥爲左翼札薩克。所有歷年積欠九白之貢。一 後如有逃人。不准收領等因。並令其在宗人府設誓。永遠歸附服從上論。遂劃喀爾喀 丹津喇嘛等奏請准其子弟入覲奉上諭准即加恩赦罪來覲巴林人畜着即免究此

爲定例。賞賜有差自是之後。蒙古王公人民等均眞誠歸順每年貢使絡繹於道。 奪丹巴呼圖克圖亦以西藏佛象等入貢傳旨加獎。

年於十月起至十二月封印之日止輪班進貢湯羊燻猪乳油乳酒等物。 按迎藩院 則例各旗台吉塔布囊等進貢湯羊每收羊一 隻賞給布四疋命

同 年 ·哲布尊丹巴呼圖克圖·前往西藏·向班禪額爾德尼呈遞丹書克·並聽講經典。

十三年哲布尊丹巴呼圖克圖由西藏回蒙。

十四年哲布尊丹巴呼圖克圖。往額爾德尼昭受各王公呈遞丹書克建邁達里佛廟。

各王公成戾受戒聽經。

十六年哲布尊丹巴呼圖克圖。蒞白池講經附近七旗民衆咸來皈依聽講並頒給 西

部王公喇嘛各封號。

康熙十九年。汗大廟大象告成。 康熙即位後第十年哲布尊丹巴呼圖克圖請西藏甘珠佛經一 百零八套來庫。

二十年哲布尊丹巴呼圖克圖復往西藏呈遞丹書克

一十一年奉佛象三尊入貢清廷。並奉甘珠經移儲汗大廟。

二十三年札薩克圖汗成袞族人額林沁等謀叛率衆嘯聚於準噶 爾圖什業恩

圖 汗

琿多爾濟等亦附和之清帝迭次降旨捕獲不果成哀等遂擁兵大亂清帝復令西藏

占 逸 史

四十五

圖

逸

Ė

有 圖。 額 賴 相 必 魯特人 繼病 喇 沒 特 名 於道。 派 参巴 噶 爾丹圖掠蒙古陰結沙拉進攻圖 阿 及 赤圖 成 |格隆||人 布 兩呼圖克 八抵蒙是古 圖。 會同 是時成衰] 阿赤 日十業圖 圖 Ē 格隆前 一般其子沙拉 汗沙拉往見噶爾 往各 承襲札 處宣 慰。 薩克圖 兩 丹。 呼

導之美意。 戰略為圖: 即各 特諭令西藏達賴喇嘛派加爾丹希勒圖隨同欽派各大臣前往喀爾喀一 + 九由台吉 四年上諭朕撫有四海內外一 n 本旗。自安生業勿得妄動于 什 則 業圖 將來之禍 加 爾州 汗偵知大怒令人刺殺之外蒙之內亂遂由 襲爵奉旨命 患必將不 允哲布尊 測着各傳輸知之欽此是時札薩 -戈致傷和氣 家不意喀爾喀忽生變亂骨肉相殘至堪憫 慰奉命之後遂將宣慰情形專 丹巴呼圖 氣。 爾等如敢違抗朕諭及達賴 克圖 適 這使 此 起。 入貢貢 克圖 奏略 汗 帶宣 沙拉被 便 喇 面 念茲 撫。着 奉 嘛 勸

達 賴 令息爭端札薩克圖汗之亂黨業經查明,其餘正在派員訪查之際適奉諭旨。 喇 嘛 之戒復受封 號 间 以 聯絡 人 衆擴充宗教爲宗 旨噶 爾丹之亂 早經

哲

布

尊

孙

巴呼圖克圖

會同宣

摺入

稱

E.

自

刺

來和好嗣 導曉以嗣 專使來蒙勸解自應感激至能否遵照 副 集東西汗 德意擬於 派 爭皆由小人 圖 阜 出 一件業圖 上不 ·欽差大臣來蒙宣撫。並奉旨會同辦理。欽此欽遵當即謹遵前往該處極力宣 因 分內外之至意等語。 福告以各旗本係一家如長此紛爭必生禍 王以及各台吉等宣布聖訓復於二十二日重行召集各王公台吉。 本 年十月間勸令七旗設誓。 額 汗之弟 林沁肇亂互相爭奪人民財產致彼此各不相下現蒙達賴 惑從今兩汗王如能進賢人遠小人。吾等亦願出 巴圖爾台吉復跪稱皇帝上諭 常有 索倫亞海台吉等出班跪陳稱七旗本 **、上渝。** 言 言歸於好。業經奏明在案故於八月十六日。召 歸於好此事全在東西 **『極好。細查**』 患不忍目睹。 東 西兩 吸 力維持。 |應照常 翼汗 兩汗 王意 主主 係一 喇 入貢。 悉 族。 見紛 心開 派

裳

(會與兩

汗王介紹令其彼此行抱跪禮以示和好東西

兩

翼台吉等亦同

時

握

手言

等語復據東西兩翼汗王面

稱奉諭息爭至爲感激敢不遵照辦理

等語。

臣

喞

乘 此 以歸

(從中煽

古 逸 史

四十七

留芥蒂·據此情形。此後可望無事。E復於本月二十三日。召集兩翼王公人等。在

逸

遵渝 達 賴 喇嘛 旨辦理之大概情形也摺上奉上諭東西兩盟現已息爭和好深堪嘉慰着 專 使前對衆設誓立盟彼此永遠不相仇視凡此皆彼等感激 皇上 **- 德意欽**

門知

道欽

此。

為欣 日起視同三 哲布 悅但蒙古之爭端亦因此 **尊丹巴呼圖克圖因此次勸解有功奉上諭該哲布尊丹巴爵位體制。** 西藏達賴喇嘛之專使加爾丹 Mi 起矣是時衞拉特之噶爾丹聞此上諭大爲不 錫勒格圖以示優異奉旨之後外蒙人 白奉 服蓋 衆。

摺奏請派兵討逆旋奉上諭令其謹守盟言勿動干戈事遂中寢是秋噶爾 蒙人民羣起反對其說噶爾州為衆怒所激復移書責問察琿多爾濟察琿多爾 以哲布尊丹巴呼圖克圖之爵位如與達賴喇嘛之專使相等顯係侮辱達賴喇 齊專

達賴 結噶爾丹之特克德赫兩人。已爲察琿多爾濟所殺。並率其部衆擒獲噶爾丹之弟而 勾結 喇嘛特諭 札薩克圖 汗部人察琿多爾 噶 爾州勿得興師。 同時欽派侍郎巴雅爾來蒙宣 濟逐決計 出師。伐噶爾丹。事聞於朝上諭復令西藏 一慰欽差未到之前。

丹復遣

斬之進兵至哈刺額爾呵克遂與噶爾丹接戰

構兵又與準噶爾除上造使偕達賴喇嘛使往平之。 止室按聖武記。康熙二十三年。左翼圖什業圖汗。攻右翼札薩克圖汗。而奪其妾

自開國以來。一切均選上諭辦理。現在內部。雖微有不和亦已遵旨和好。蒙古人民。因 議。交理藩院轉銜遵照欽此圖什業圖汗察琿多爾濟復奏請賞給印信奏日,外蒙古 奉上諭該汗王等奏請加股尊號。至爲恭順。朕向來不分內外。一體撫愛。但願爾等各 不知黃教。流於下愚自先祖阿巴岱汗。親赴西藏皈依黃教。蒙達賴喇嘛賞給賽音諾 愛和平。不相殺伐。喀爾喀人民。得以永享昇平。較之朕受尊號尤爲歡悅。所請着勿庸 二十六年。圖什業圖汗察琿多爾濟。車臣汗諾爾布等。具奏請加皇上尊號以表敬戴。

給金玉印信各一顆以便世守勿替等語旋奉上諭外蒙兩翼人民未分淸以前不便 進行尤多用力。想亦我皇上所親知。圖什業圖汗部既蒙特別優待。合無仰懇天恩賞 彥之徽號後蒙古黃教日漸發達。臣復親往西藏受戒蒙達賴喇嘛賞給印信於黃教

崇 古 逸 迚

四十九

裳 逸 史

爾布卒奏聞奉上諭外蒙各旗和好未久車臣汗遽爾淹逝殊堪悼惜。

汗之長子。伊勒登拉布丹承

兹據圖: 是年 車臣 印信所請着勿庸議欽此。 一什業圖汗。哲布尊丹巴呼圖克圖來奏。請令車臣 汗諧

襲汗爵應即照准着傳輸達賴喇嘛知道並遣大臣前往致祭以示優渥欽此。 附滿洲以前。 JE. 室按喀爾喀四部信從黃敦始於蒙格憲宗之世盛於元室一統之後遠在歸 亦由人民思想簡單及西藏黃教勢力澎漲爲地理習尚自然之結

一十七年春。衙拉特噶爾丹。率勁兵三萬。由喀爾喀西邊進攻直抵杭愛山。察琿多爾 愚弱蒙古之政策此說質出於外人臆造意在煽惑蒙心離問感情未可盡 果刻無待於人力也淸初綏服蒙古剛柔並用不得不因勢利導以順人心而示 懷柔觀圖什業圖 汗請給印信摺內所叙益可徵信晚近盛傳淸初利用黃教為

圖拉河復東渡進窺克魯漣河,向車臣汗部落全蒙震恐先是哲布尊丹巴呼圖克圖。 濟。率其子帶隊。與之接戰大敗於帖木耳地方。噶爾丹遂進佔額爾德尼昭。並 分兵踞

海諾 圖 覽 之地。得以存活。恩同 議。臣等以受皇上天恩深重凱 教正在修治經典忽有衞拉特噶爾丹。率衆來犯焚燬廟宇搶掠 尊 防守沙漠以南是秋噶爾 率 什 奏悉着交六部· 丹巴呼圖克圖會於難所遂會同 同 業圖 爾。 給 人民流離失所。全體矢忠矢誠情願歸附天朝但徒衆繁多如蒙施 察 凡三晝夜而 游 琿 汗等復 尼特 多爾 娰 地 段所有 濟眷屬。 旗。 進九 儿 亟 再造。 卿會議具奏以聞欽 敗部衆盡消察琿多爾濟由 以 白之貢。 (城情專 逃難機民着 避兵於烏 心常兩翼· 円 由 以表誠敬旋奉 切勸導令其歸 克 摺 魯漣 人民狼狽出 馳 木 奏康 山 爾 上奏率殘老餘弱歸 歸化城 河移兵圖: 地方嗣 此哲布 深島帝 開 上 附皇上以被恩澤九 走之時倉皇無主本有往 聞 倉施 呼勒率 渝。 ※遂下部 尊丹巴呼圖 拉 車臣汗部落。 喀爾 河察琿多爾 賑。 數騎 喀歸降人衆着 遣派 降清室奏日。 喀爾· 此。 克 南 哈 相繼失守復南 心 同 時 年 五 M濟率衆拒立 人畜魔 巴噶 逾沙漠而 月初八 諸 投 恩賞 所不 在 爾 石奉 俄 之於阿 部落 + 喀 逃。 尼特等 **烏斯斯**牧 與哲 至。 羅 四 振 現在 斯之 興黄 蒙兵。 洮 歲。

布

五十

裳

古

逸

那

裳

應請專設札薩克管理以專責成。遂簡車臣汗台吉那木吉勒充札薩克復奉上論令 地方安插。並歸烏珠穆沁札薩克節制。欽此理藩院奏稱喀爾喀降衆甚多恐滋事端。 木吉勒帶領全部十萬餘戶。歸降清室奉上諭車臣汗部落來歸人衆。着在烏珠 爾 喀殘衆南 ·奔之後。噶爾丹遂占踞車臣汗部落。車臣汗長子尚未承襲。其台吉! 穆

至意欽此。 動。 收 拾是以降渝特設札薩克分旗統治以安有衆着即妥善辦理勿負朕厚視蒙衆之 流 離失所殊堪憫惻殷因喀爾喀人衆不知法律致多虐民之政恐離散日久愈難

呼爾沁親王入京覲見並討論各旗制度同時奉上諭曰外蒙爲噶爾丹所侵全部震

是 時噶爾尹尚盤踞杭

諭着在

局拉特地方安插善巴落部。

亦率

衆相

繼來降復奉

上渝一

併在烏拉特邊

愛山左右喀爾喀

右翼

·人民。悉被驅逐復率衆南奔求降奉

圖 日什業圖 汗部落饑民遍野無所得 食奉上諭 即發張家口 獨 石 口常倉以赈之。

同 時奉上諭墨爾根諾彥原爲喀爾喀札薩克之一。久充貢使現因部民散失率衆來

察琿多爾濟等帶領降民先赴多倫諾爾候駕並派尚書阿爾尼先期前往率 喀自被噶 演禮遂定封賞爲九等坐位爲七級察珥多爾濟之爵位列於各降衆之冠。 在多倫諾爾會盟宣示俾衆遵守以免擾亂等語上甚爲嘉許遂降諭令理藩院行文 如 此。 鬜。 旋復派 不先定封賞制 是不 止室按墨爾根諾彥加封濟農。視同三汗為賽音諾彥分立一部之始基。 他墨爾 大臣出 爾 丹侵擾以來歸降日衆現在各部 :根之美稱)股至爲欣悅。着加恩封爲濟農爵位。視同三汗。以表: 度恐來者日久日多不免滋生事端擬請先將各種 關巡視降衆周 **赈饑民稽查戶口編定旗別據基** 無依殘黎。望南來奔者仍尙絡繹於道。 11 舸 京 度妥定後即 覆奏稱喀爾 入勳勞欽 -領蒙官

王台吉等三十五 一十八年春皇帝 難 失所來歸我大清殷如將爾衆安插內蒙編入各旗。 人在行帳以次覲 親臨多倫諾 爾。五 見禮畢奉 月初二日哲布 上諭日。爾喀爾喀兄弟自殘致全部人 尊丹巴呼 则 喀爾喀 圖克圖帶領 從 此滅亡殷以 喀 爾

喀

崇

右

逸

史

五十三

出此。遂不惜另撥地段安插爾等俾得

遊牧自存。此次會盟爾等率皆

五十四

蒙古邀史

稱王公貝子貝勒台吉等以免歧視。並編定札薩克各族分設佐領等官如今制。 凜遵勿忽欽此嗣後頒定各旗制度將喀爾喀原有之濟農等名號悉照內蒙制度改 順 知禮。着照內蒙古四十九旗例辦理。以示優待並示脫不分內外之至意爾等其

康熙皇帝於會盟禮畢攜同哲布尊丹巴呼圖克圖回京哲布尊丹巴獻釋迦牟尼佛 尊並奉呈甘珠經於太廟隨駕幸五台山。

二十九年分圖什業圖 汗部爲喀爾喀後路。車臣汗部爲左路、札薩克圖汗部爲右路。

哲布

尊丹巴呼圖克圖移駐熱河。

特派大臣一員馳往外蒙探視噶爾丹情形行抵圖拉河左岸時忽有千餘人來自 車

部搶掠驛站馬匹皇上不忍加罪僅派察哈爾兵隊前往彈壓。 止 室按聖武記康熙二十九年聖祖以噶爾丹勢熾旣入犯其志不小且 喀爾

左翼皇子允禔副之出古北口安北大將軍恭親王常寧爲右翼出喜峰口右翼 不可使無 放地遊牧。六月集大臣於朝下詔親征。命綏遠大將軍裕親王 腷

兵遇 賊 於烏珠穆沁戰復不利。準噶爾遂乘勝長驅而南深入鳥蘭察布。 距京 班師。

僅七百 詔速進兵勿墜賊計噶爾丹不俟報即拔營宵遁大軍追之噶爾丹遂奔竄 而北云云是役也噶爾丹雖未被重創。然爲外蒙歸附後最大事件。本書不載不 里噶爾丹遣使來請執圖什業圖汗及其弟哲布尊丹巴畀之即 當 絕漠

旗行至蘇尼特邊地爲噶爾丹兵隊所阻。 三十四年哲布尊丹巴呼圖克圖在熱河建入面蒙古塔一座秋率領喀爾喀蒙衆回

知何故。

駕旋 三十五年四月康熙皇帝親征噶爾丹五月大敗噶爾丹於圖拉河之招莫多地方御 即奏凱入關復令哲布尊丹巴呼圖克圖 回駐熱河。

三十六年駕幸西寧回鑾時。同哲布尊丹巴呼圖克圖在張家 口駐蹕多時鳴 爾 野進

退無地。 上渝喀爾 仰樂自盡多封惇多布 喀各王公台吉仍自各回收地喀爾喀人衆經此喪飢遂大修武備學習 多爾濟郡王尚和碩公主賜封和 碩額 |別噶爾| **丹旣**平。

蒙

占

逸史

五十五

逸 妵 五十六

騎射。並設立達爾罕親王名號。以賞有功哲布尊丹巴呼圖克圖仍駐 熱河。

旋復隨駕幸五台山。 三十七年。哲布尊丹巴呼圖克圖到北京。元旦隨同御駕蒞占壇昭拈香並登殿朝賀。

例。 止室按哲布尊丹巴呼圖克圖駐熱河。及到京呈遞丹書克等儀注。見理藩院則

病卒。遂回外蒙爲之唪經秋回熱河多駐北京。 三十八年。哲布尊丹巴呼圖克圖。在京度歲適因外蒙圖什業圖汗察琿多爾 高濟在蒙

渝三道嘉獎以護佛法。 三十九年。康熙皇帝。仗哲布尊丹巴呼圖克圖之法力。唔西藏達賴喇嘛於夢中。遂降

四十年哲布尊丹巴呼圖克圖重修額爾德尼昭廟宇。冬回北京。

四十一年。察琿多爾濟第二子多爾濟額爾德尼阿海奉旨襲圖什業圖汗

四十四年,哲布尊丹巴呼圖克圖修額赫廟於齊齊爾哩克之額爾德尼地方其兄貝

勒 西 塔 利卒。以其第二子丹津多爾濟襲質。

四 九 年修札木延巴呼 廟。

五十年修東庫倫

廟。

布尊丹巴呼圖克圖功行高深堪為喀爾喀黃教之領袖。 五十七年康熙皇帝降諭曰。喀爾喀左右兩翼。現已和好。正宜整興黃教。勤修道德哲 即將脫諭譯成蒙文交該哲

五十八年添 建庫倫廟宇數座。

布尊丹巴呼圖克圖暨各部蒙衆一

體欽遵欽此。

交界邊務事宜。 六十年。因哲布尊丹巴呼圖克圖之請。准給圖什業圖汗印信。並令其管理 血典俄羅

王公等亦邀覃恩進爵二月二十一日奉上諭哲布 六十一年十一月。康熙皇帝崩。雍正入登大統額駙惇多布多爾濟晉封親王,其餘 **尊丹巴呼圖克圖着即來京覲見。**

遂入賀登極。雍正皇帝賜以金册金印。文曰哲布尊丹巴呼圖克圖之印。 蒙 古 逸 史

五十七

五十八

蒙 古 逸 史

哲布 **尊丹巴呼圖克圖亦於是年病歿北京。年九十一歲。**

第十七代哲布尊丹巴呼圖克圖時代政略

第十七代哲布尊丹巴呼圖克圖名羅布桑丹彬多密雍正二年。降生於喀爾喀圖什

業圖 汗部落為額 止室 |按第十七代哲布尊丹巴呼圖克圖。在蒙古降生者爲第二代。先是第十六 財惇多布多爾濟親王之子即其妾甘達納所生。

當在圖什業圖汗部落中。中年或酉年所生之女腹中。惇多布多爾濟。時初 代之溫都爾格根春秋漸高其姪惇多布多爾濟額別密叩其來世 碩公主。遂奏明原委。乞假馳回外蒙。尋覓申年或酉年所生之女。果於和托輝特 |降生所在| 尙 和

納夢溫都爾格根入室投其懷中,朞年生一子。羣奉爲呼畢勒罕。

部中。覓得達錫之女。名甘達納者。生於申年。時十九歲。遂納爲妾。入侍之夕,甘達

雅 濟。及額駙策凌爲左副將軍。分別筦理。外蒙之有左副將軍。自此始。 正二年。因西北軍與奉上諭令喀爾喀派兵二千。駐紮阿爾泰防守。特簡丹津多爾

肯所得賽音諾彥汗名號另自獨立一 三年。策凌額駙所領之軍。改用鑲黃旗制度。並因功加封郡王。奉旨襲用其 部不屬圖什業圖汗節制外蒙之分四 曾祖 圖蒙

於此。 五年上遣大臣賽銀十萬兩來蒙令將第十代哲布尊丹巴呼圖克圖舊宮改建大廟。

始於此。 六年哲布尊丹巴呼圖克圖年五歲受戒於蒙古都科爾呼圖克圖奉上諭察布 延珠爾襲車臣汗爵並頒給印信。 並招集各部喇嘛面 向 西藏師 經前福是年簡圖什業圖汗爲溫長外蒙之有盟長亦

七年。喀爾喀人衆請求哲布尊丹巴在庫倫升活佛寶座。並在庫倫東邊設立

年。晉封丹津多爾濟爲和 預親王。 多爾濟會同 郡

策凌帶兵往剿未平引兵旋。準噶爾乘勢南犯其首領有名車林敦都 年噶爾丹餘黨首領 蒙州古川逸 史 準噶爾。 叉在 **阿北**一 帶擾亂親王 开 津 五十九 布者。

||率衆佔|

 \pm

額 駙

阿 领兵六百 爾 並 騎 分 占 乘夜撲營殺其首領巴圖魯餘黨分竄大首領 掠羣邊聲勢浩大丹津多 Œ 史 爾 濟 倉卒赴敵於某日午 車林敦都布亦逃奏聞奉 後週 敵令巴亥台吉

上渝 丹津多爾濟賞銀一萬兩策凌額駙晉封親王 室按聖武記雍正九年九月郡王額駙策凌與親王丹津多爾

噶爾於登楚勒河。遣六百騎宵入賊營挑戰誘其來追而伏兵擊之。大破其衆斬 其 止 騎將喀喇巴圖魯詔晉策凌額駙和碩親王。 濟。合兵迎擊準

回 爾。 旗 車林敦都 以沙其質 諭以圖什業圖汗旺吉勒多爾濟之子襲爵哲布尊丹巴呼圖克圖移駐 布復率除黨三萬騎在杭愛山左右搶掠聲言以兵力刦 丹津多爾濟復會同策凌額 別率師往額 爾德尼昭 迎敵亂 取哲 以黨開 **|布尊丹**

遁 (子成变) 賞策凌額駙超 札 布着承 **、襲世子。淸例宗室親王准立世子。外蒙之有世子。亦自 | 页巴圖魯名號並賞用黃帶視同宗親授爲盟**| 長多奉 上渝策 是 姑。

、寇順承親王無備及接額

止室按聖武記十年七月噶爾丹由北路傾國入

鄂爾 望卻避反飾奏冒功。獲賞智刃親王墨爾根巴圖魯名號至是發覺點爵軍前。 請 昆河大捷而門津多爾濟雅兵二萬既不夾攻於山北又不追擊於山 兵之信始遣丹津多爾濟策應行未十里即止營致策凌戰賊二日無援及 南。

多 又按策凌爲圖崇肯之曾孫那穆薩賴之子,丹津多爾濟爲阿巴岱之元孫察琿 罪效力。額駙策凌晉封和碩超勇親王。授大札薩克。分二十旗爲賽音諾彥部落。 爾濟之姪。西第什里之子。阿巴岱。圖蒙肯。皆爲諾高和之子。格埓森札拉爾之

孫

也。

着即 官俸諭曰。喀爾喀三汗。本無給俸之例。准其各向本旗徵收稅額兹准車臣汗等奏請。 克圖 一年。仿西藏制度。在庫倫創建滿珠錫里佛廟。於汗山之巓。是年准給外蒙各王公 加恩照准所有各旗汗 汗兩 王亦由該管衙門行文知照一 王照親王例。每年給俸銀二千五百兩其圖什業圖汗礼 體照給欽此。

بي.

十三年修築烏里雅

"蘇台木城。

古

遇

逸史

奔地方新廟告成奉旨賜名慶甯寺並賜立御碑。 乾隆元年乾隆即位哲布尊丹巴呼圖克圖入京覲見並賀登極庫倫建孟 打拉廟?

秋丹津多爾濟親王薨其子沙布坦襲爵。並尚雍惠公主。賞封額駙沙布坦不久即逝。 二年。慶寧寺御碑運到。在寺建立。

多羅格格嫁之封爲多羅額駙。 子桑齋多爾濟襲郡王爵皇帝憫其幼孤渝令雍惠公主攜同回京。在宮撫育稍長以

即照准。 冬皇帝幸多倫諾爾降諭曰哲布尊丹巴呼圖克圖金册曾經賞給茲復請給金印着

喇嘛爲主教。 四年哲布尊丹巴呼圖克圖在庫倫設立經棚以備各喇嘛研究經典並延聘敏珠爾

帝特降諭旨令其移駐多倫。現兵事告竣。全蒙乂安。該哲布尊丹巴呼圖克圖奏請仍 六年五月十二日奉上諭曾因準噶爾叛亂恐哲布尊丹巴呼圖克圖爲其所害先皇

誳 外蒙駐 錫自應 **派照准。** 運鳴 爾 人衆素稱狡展。一 時雖 外 示 恭順。 難保 不 再 生事

帶兵額駙策凌親王督同 布 陰圖侵害哲布尊升巴呼 **尊丹巴呼圖克圖望南** 各將軍 趨避至如何趨避之處務期籌畫萬全着傳令喀爾喀各汗。 圖克圖爲全蒙信仰之教主關係 統領隨時保護庫倫 如有匪警該額駙 **以甚重不能了** 不 加意 卽 便速 防護。 奉

二名着仍隨同前往小心保護該侍衞等每年換班一次如果侍奉得力着由該哲布 駐錫多倫時。由股特派 及各旗札薩克王公會同妥議辦法迅速回奏。欽此又奉上諭 御前 :侍衞二名。隨同保護。現哲布尊丹巴不日回蒙原派侍 哲布 尊丹巴呼圖克 衞 圖

尊丹巴隨時奏聞欽此。

秋八月哲布尊丹巴呼圖克圖 回 庫駐 錫。

七年至九年哲布尊丹巴呼圖克圖巡视喀爾喀各部提倡黃教宣 ||明教旨。並在

修 建廟宇甚多。

年上諭簡親 三額林沁多爾濟管理俄羅斯邊界交涉事務。並派達木定充庫倫宰

迚

六十四

裳

处

十三年。在慶寧寺建塑大佛象並集蒙藏喇嘛一千衆唪經爲皇帝祈 十二年汗山滿 十一年。上諭張巴多爾濟承襲圖什業圖汗爾。 十五年。各喇嘛等將自建之汗山滿珠錫里廟。獻於哲布尊丹巴呼圖克圖奉旨作爲 珠錫里廟工程告 竣。

福。

賽音諾彥汗策凌親王薨於庫倫奉旨賜祭立廟世子成袞札布襲爵。 止室按聖武記載詔以王奮身血戰再挫天驕威震絕徼爲國長城特勅

配享太

敕建。

次子車布登札布亦襲定邊左副將軍孫那用多爾濟。尚固倫和靜公主襲郡王 必讀書知大義每於臨陣冠三軍云世子成袞札布襲爵繼爲定邊左副將軍詔 廟並視怡賢親王例崇祀京師賢良祠賜諡曰襄建碑紀功烈御製輓詩稱其不 晉親王旌以其父超勇巴圖魯之號錫金黃帶入覲圖形紫光牊鎭烏里雅蘇台。

極 外藩勛戚一時之盛

[50] 穆爾薩賴入京。 九 年。 上諭倫 東多 爾 濟 為額 爾德尼昭商卓特巴林沁多爾濟為西部參贊大臣。冬

二十年郡王桑齋多爾濟晉封和碩親王成袞札布承襲定邊左副將軍 阿穆爾薩賴為定邊左副將軍衛拉特 汗 達瓦齊被擒後阿穆爾薩

之地 皇上預窺其情令其與族兄車木呼爾一同 入觐定北將軍班第特預受機宜密 賴謀佔伊犁

狐 敢造次從事行至舊游牧附近之地 告親王額林沁多爾濟帶兵同行於途中相機 林 沁收管詭稱回 旗治裝行至額 阿穆爾薩賴希圖脫逃先將 爾 一齊斯河 地方。途自逃逸額 捕拿阿穆爾薩賴解京治 左副將軍 林 沁得信後追 罪額 印信交給 林 提不 池

獲。 先皇帝處其中途有變密諭班第特選 澤得力大臣。 相機行 事班第特 以額 林 沁

人品 厚 重令其前 往治驛遞馳 奏到京皇上始 知 上諭日爾 其所派者爲額 林沁大不以爲 濟以親 然急

裳 止之認 古 逸 到之日阿穆爾業經脫逃奏聞奉 史 額 六十五 林 沁多 爾

蒙古

逸史

兼參贊大臣放派令看管阿穆爾薩賴來京沿途應如何慎重將事乃旣知其謀變又

問乎。再四審思爾罪斷難赦免。姑念爾測爾父素日勤勞王室,朕不忍置爾於法著加 阿穆爾薩賴羽黨和錫穆等在伊犁大肆擾亂。 恩賜令自盡欽此。 愚昧。迨逃走之後始行追趕。自然無濟於事試問此何等事此事可誤爾之心迹尚可 **况該逆當時既交印信。復欲帶兵回旗。形迹已露該親王尙不知加意防範殊屬異常** 復受命捕拿解京何以均置若罔聞竟敢以阿穆爾薩賴係雙親王爾係單親王不便 擒拿為藉口。致令該逆中途脫網。殊不知該逆既為叛國之贼,更有何雙親王之可言。

哲布

尊丹巴

〕呼圖克圖。

卜反多間被擒。

二十一年。晉封色楞額札薩克郡王察巴克林畢勒為和碩親王喀爾喀郡王青袞雜

八月二十四日哲布尊丹巴呼圖克圖奉上諭青袞雜卜受恩深重今竟謀叛前已宣

奉滿珠錫里喇迹爲師傅創設察尼特學。

克圖。 克圖 哲布 屬 諭之後此輩 分赴各該處認眞宣慰彼等自不至再信流言欽此。 不回所管地段一經查出 旗者、朕念此輩皆係愚氓一時被惑竟棄職守。 圖 人衆告以聖主業已施恩免罪其各速回軍台卞倫仍舊供差伊等自必遵從再 罪 一月十八日上諭前因青袞雜 駠 爲 勸導蒙民勿令輕信並令召集四部王公台吉等會盟宣 圖 **尊丹巴呼圖克圖為喀爾喀四部公同崇信之人爾若由徒弟內派** 狀曉諭爾喀爾喀 滅。 出家 封 近聞 號 之人今爲安謐衆生起 如果翻 與教之上。再加濟衆二字。以示優異。並由內倉賞給各種緞 軍 台卞倫等處原 然悔悟。各回守地朕可 人等當 .從重治罪爾哲布尊丹巴呼圖克圖奉旨之後立 肚台吉兵丁等間有輕信青逆流言擅 已家諭戶曉此後爾等均應以青逆行爲爲玷。 1 見。出 布散流言原 力撫慰深城嘉尙亟宜立沛 加恩悉行寬免不加追 決非出自本意朕不忍不教而 惑蒙衆曾經降諭 是認該哲布公 究如仍任 哲布 殊恩着於該 離 **正着左副** 尊丹巴呼 尊 H 職守。 丹· 可 即 巴 遍 意 誅。 私 呼 運延。 自

爾

肵

回

裳

ti

邈

史

六十七

呼

軍成袞札布知會該呼圖克圖遵照祗領欽此。

袋

逸 史

理藩院又奏請賞給哲布尊丹巴呼圖克圖乘坐黃幃車奉旨依議。

車臣汗部之齊木齊各特人謀亂黨魁擒獲正法。

二十二年上渝哲布尊丹巴呼圖克圖。業經加封濟衆名號。着將原領金印金册繳還。

賞給額爾德尼商卓特巴印信亦加濟衆字樣。

另行換給欽此。

哲布尊丹巴呼圖克圖丹彬多密示寂年三十四歲。

青袞雜卜於是年正法並勦滅車臣汗部之齊木齊各特餘黨。 親王惇都布多爾濟長子根金多爾濟。承襲其弟額林沁多爾濟親王爵衛因額

池

二十三年三月初七日上諭哲布尊丹巴呼圖克圖現已圓寂所有庫倫經棚事務雖 賜 死降爲貝子。

有商卓特巴遜都布多爾濟照料。然所屬之徒衆甚多。非一人所能乘管。着派喀爾喀

左副 將軍桑齋多爾濟妥爲管理欽此庫倫設立辦事大臣即始於此。

之徒衆即今沙畢衙門是也自是以後活佛政治之權既經移奪遂完全立於宗 呼畢勒罕未定之前即簡桑齋多爾濟爲庫倫辦事大臣並令其兼筦活佛所屬 衆因欣羨而 教首領之地位。三月初七日之上諭即爲哲布尊丹巴不復降生蒙古之先導。 於圖什業圖汗部落以來哲布尊丹巴政治上之勢力。日見發達其他三部落人 沙比之轉摩耶經日,奴爲沙門,婢爲比邱尼沙比即僧尼也。攷其事實應稱沙比 叉按蒙古設商卓特巴官。管理黃教徒衆。稱曰沙畢衙門。砂畢二字從藏音疑即 室按清室對待外蒙政略至此一變自第十六第十七兩代哲布尊丹巴降生 生娼嫉。屢示不平。時外蒙亂事敉平。無復利用活佛之必要遂於新

SII 移 爾 游 賴。 徒步逃匿俄境旋即病殁俄人將其屍途入邊境交界之處派親王察巴

克林畢勒前往驗收。

衙

pij

爲是。

第十八代哲布尊丹巴呼圖克圖名伊什丹巴尼瑪乾隆十八年。生於西藏襄塘地方。 第十八代哲布尊丹巴呼圖克圖時代政略

丹津袞布家中。母名芬布。

世之頃。屢起紛爭人心轉因之而不靜。清室引以爲忠。欲泯各部爭端。不得不變 止室按自兩代哲布尊丹巴降生外蒙以來喀爾喀四部視爲無上權利每逢轉 更政策。遂潛令西藏達賴喇嘛。提議哲布尊丹巴仍在西藏降生由蒙人迎回供

養於是自第十八代以降又復轉世於西藏其選兌之法由皇上欽定令達賴喇 旨認為呼畢勒罕迎歸外蒙受戒登座後册封為哲布尊丹巴呼圖克圖此制旣

定大傷蒙心四部僧俗同時失望而西藏人民固未以此為優異清室措置蒙局 乙失策殆莫大於此焉。

乾隆二十四年查達爾多爾濟承襲圖什業圖汗爵。

Ŧi. 年桑齊多爾濟奏請賞用摺匣專摺奏事奉旨准

二十六年上證據桑齊多爾濟奏稱現在庫倫事務紛繁非一人所能兼顧請加 額 爾 徳尼 醫師。在庫倫設立醫學會並醫學學校。 如 所請。

臣一員

常同辦事等情着派富德前

化會同

桑齋多爾濟辦事至如何

換班如

何發俸。 派大

曲

二六部大臣核議具奏欽此庫倫設立滿洲辦事

天臣

自此始。

一十八年上諭據桑齋多爾濟奏稱此次奏請哲布尊丹巴呼圖克圖來蒙後擬請 一十七年。造木城於沙拉畢河。

駐 多倫諾爾以便照料。謹將所擬各項辦法開列清單奏請聖鑒等情脫詳 ·加核覽其

仍駐 脈 中可行者固多亦有不便者數事。查所奏今後欲將哲布尊丹巴移駐多倫 准。 多倫恐傷外蒙人民信仰之心應仍常川駐錫庫倫爲是又該哲布尊丹巴之父 前 此 所以移駐多倫者因蒙亂未平恐有為犯故令暫行移駐。 現蒙境安謐假令 節。 礙 難

護前 古 來奏請施恩之處亦不便行從前惟達賴喇嘛之父母賞有封號其他向無 逸 ţ

炭

鋔

史

歲尙 着仍 淸 辦 不 旗差使。本不甚繁分派 此 廉 公等相 勒 繁。 宜 設 測。 例。 一男女混 公正 雁 迫反不若從 再此 所請 近於擾累 幼就法座 伲 舊 領 一者服役等情此節 辦理 次迎 同 筅 亦 發給 雜。 刎 11 原奏又 乕議。 應 接 後。 並 應 儉爲 從嚴查 作祿反 賞戴花 難膺衆人跪 視各盟財 四盟之各呼圖 原奏又 (称:哲布) 愈因 捕 台所用 與體 禁 翎。 7種哲布 此 力。 甚是着照 充 節俟富德到 拜之禮擬請 尊 當 Ąį 酌 例 量分配。 攤款。 克圖 丱 狐 不 Ť 色呼 多已 合其徒衆等不當 差一 **尊丹巴請** 學體節問 與國課不 所 加 圖克圖。 一經敷用 節 擬辦 力能 按月 亦不 任後會同辦 理。 脈 一同不應催 受頭等語辦 Įij. 現尚 無 ·便行。 應 王 肩 云例 任。 力 PF 須 求完 不妨 圖 哲 年 再 官 克 幼不宜使用青 派。 差。 布 食作所管徒衆亦 理。 原奏又 該哲 尊丹 迫故 原出 稍 備。 圖。 藉壯 及 法 事 色為 各 也。 鋪 至 布 於 以上各 視瞻但 爲妥 称哲 尊丹 聖祖 喇嘛等所 張。 H 如 心之體恤。 家之人不 (財力不 巴之徒 善。 布 华 費用 郋 尊 喇 臘 項應俟富 丹巴年 往 嘛應 如 蒙族 及徒 所 衆 過 地 況

擬

揀

德

到

後與桑齋多爾濟妥善舉辦。着將脫諭。分別發変各該大臣知道。

欽此

止室 按清室對待外蒙態度。至此亦漸趨嚴厲。蒙古大臣奏請數事批駁無遺區

見貼 來之哲布尊丹巴欲令其常川移駐多倫。畛域之分。昭然若揭用意所在。 品 喇嘛住所問 庫滿洲大臣創設於乾隆二十六年蒙情渙散之機亦隱伏於此時焉。 題的須候宮德到任合辦集權之端已基於此蒙人對於 自可想 西藏 迎

所有沙畢徒衆。悉歸辦事大臣管理其哲布尊丹巴呼圖克圖倉上事務仍照舊由該 年歲尙幼不能管理屬民庫倫旣設有滿蒙辦事大臣嗣後一切事項暨哲布尊丹巴 五月三十日上渝哲布尊丹巴呼圖克圖。現經派員前往西藏奉迎不久即登法座但

又上諭辦事大臣富德到蒙任後安自尊大殊屬不合此後蒙古王公等接見欽差或

喇嘛等自行辦理。欽此。

院派 大臣除叩請朕安外。不准擅行屈膝跪 止室按滿洲制度處處留一種族痕迹,六部大臣滿漢各半西北邊疆純任滿員。 **拜欽此**。

內地各省滿漢並用其統治之權要皆滿員握之乾隆二十六年此制推行外蒙。

 $_{H}$

逸 şļ:

時邊氛 īlī 逸 恣威福傳見王公責令長跪白 **靖。蒙情未一。尙不敢公然定制。滿員仍稱會辦宮德深知朝廷用意到**

哲 迎回庫倫泰登法座。旋奉上諭哲布尊丹巴賞坐紅園車。 布 **尊州巴呼圖克圖** 滿員 任之始擅 有襲爵補官。非賄不辦。魚肉敲剝任意妄爲滿蒙大臣。因之爭權交惡互相揭參。 《終歸優勝。蒙古大臣自是僅隨同署諸照例會銜。直至外蒙獨立而後 在多倫諾爾從章嘉呼圖克圖受拉畢特格蘇勒戒後外蒙人 事。蒙衆譁然復與理藩院表裏爲 Ē. 好。

周圍 二十九年簡袞布多爾濟畢里克圖為庫倫 五里名喇笠 嘛 圈。 商卓特巴在西庫 倫 分劃 喇嘛居住 區

民

一十年,勅建廣 教寺工程告竣御製碑文亦同時運到在廟 內擇吉 建立。

上諭命親王成袞札布進所藏蒙古源流書以備御覽。

後又不揭參着解京正法桑齋多爾濟。着奪去王爵勒令致仕原保大臣索倫副都統 桑齋多爾濟。因私圖漁利,擅與俄人訂約互市。上怒滿洲大臣富德事前 毫 無 、覺察事

某所保非人意圖袒護着降級發往恰克圖充當章京。

桑齊多爾濟遺缺。以胡圖靈阿簡補同時簡福某為庫倫 滿洲辦事大臣。

三十一年庫倫挪移經棚。

三十二年庫倫牙拉尼會成立設達喇嘛缺駐守。

放回等語。似此辦事。殊屬荒謬糊塗福某着降調理藩院司員。仍在庫倫章京衙門行 地追索竟敢私自致書俄官聲言俄國如將敦都布交還我亦將所獲俄人戈爾吉列 上渝現在俄人擅行入境。竟將我敦都布捉去。辦事大臣福某不知派兵徑往俄國邊

走所遺辦事大臣之缺着慶桂即速前往接理並着掌管欽差大臣關防欽此庫倫滿

洲大臣掌印即始於此。

年由哲布尊丹巴移諸蒙古辦事大臣復於乾隆三十二年由蒙古大臣實行移 止室按清室對待外蒙政策。至此又復進行一步。統治外蒙之權。於乾隆二十二

於滿洲大臣。稱爲掌印欽差。經此數變之後。滿蒙感情亦日趨冷淡矣。

七十五

七十六

三十三年因俄人越境日多令於恰克圖駐紮官兵一百名。 逸 史

祭祀大臣。 三十六年。奉旨復令桑齊多爾濟接管辦事大臣事務。貝子胡圖靈阿改充管理庫倫 二十五年以丹木楚拉巴利爲商卓特巴

三十七年移大庫倫於孟達拉地方。

札薩克貝子察巴克多爾濟卒長子遜都布多爾濟襲爵 三十八年。哲布尊丹巴呼圖克圖伊什丹巴尼瑪示寂。年十六歲。

圖汗部落。希望新活佛降生外蒙之心尤切。直至次年。奉旨遣使前往拉薩奉迎 止室按第十八代哲布尊丹巴於是年九月示寂喀爾喀人心又復搖動圖什業

第 十九代哲布尊丹巴呼圖克圖時代政略

索諾木達什之子時蒙情始復安謐。

第十九代哲布尊丹巴呼圖克圖。名羅布桑圖巴坦旺楚克。於乾隆四十年生於西藏。

索諾木達錫家母名延吉塔木。

往西藏迎接新佛來往動輒經年。各旗供應駝馬夫役爲費不貲紛擾滋甚蒙人 止室按第十八代哲布尊丹巴少年夭折。蒙人又須派遣官員喇嘛等數百輩前

引以爲苦至今談者猶有餘痛焉。

制。週有漢蒙事件悉行禀明核辦欽此。 上命貝子遜都布多爾濟駐庫學習辦事又上諭庫倫章京衙門歸庫倫辦事大臣節

查嘎吉木林皮勒次子查巴克多爾吉襲和碩親王爵。

塞爾畢河地方奉旨依議 四十三年。辦事大臣奏請將大庫倫由奎滿達勒地方移往廣教寺附近之圖

十月上渝桑齋多爾濟等奏稱庫倫南面之山爲成吉思汗降生之地故尊稱曰 汗 山。

祭官致祭以示天恩等語查祭祀汗山誠爲大典着准如所請辦理每年由理藩院分 自第一代哲布尊丹巴呼圖克圖以來逐年祭祀定為典禮擬請每年頒給 香帛由主

蒙古逸史

七十七

蒙 逸

是月庫倫辦事大臣等奏稱庫倫出產野獸有野猪醫 春秋二季發給香帛的交該大臣祗領致祭可也欽此

猪六隻。雹三隻差員馳驛入貢以供御廚奉旨報可。 兩種味頗鮮美擬每年獵取野

圖汗查達爾多爾濟幫同辦事。 十一月。桑齋多爾濟病故奉上諭賞銀五百兩治喪遺缺以博克精署理復命圖什業

移第一 彬多密之舍利於廣教寺。 代哲布尊丹巴溫都爾格根之舍利於慶寧寺第二代哲布尊丹巴羅布桑丹

桑齋多爾濟長子蘊敦多爾濟承襲札薩克郡王爵

四十五年。哲布尊丹巴呼圖克圖前往西藏在賓塔拉地方從達賴喇嘛受格 尼勒

班 禪 額爾德尼巴拉達錫至北京十月初二日在京示寂其舍利藏於黃寺附近白

- 諭欽差庫倫辦事大臣關防。着查達克多爾濟護理六月查達克多爾濟會同倫保

奏詩。 奏牘公文。惟令貝子遜都布多爾濟會銜辦理奉旨依

四 [十六年上渝喀爾喀現有之王貝勒貝子公札薩克 均准 律世

哲布 赴熱河奉旨賞乘黃轎 奪丹巴呼圖克圖。 車是年秋迎回外蒙奉登法座。 由 西藏回多倫諾爾從 章嘉呼圖克圖 |受拉巴尊格哲 襲。

I勒戒旋

四 一十七年,重修釋迦牟尼佛大象。並設諾木齊綽爾濟等各官職分掌教務。

四十八年三月上諭據那旺多爾濟奏稱圖 一什業圖汗査達克多爾濟擅發黃 一般鳥

拉

旺多 執照等語查達克多爾濟着免去庫倫辦事大臣任務。並勒令休致所遺之缺。 7爾濟補2 授。並令蘊敦多爾濟。在庫倫辦事大臣衙門行走學習辦事那 旺 多 即 以 爾 那

未到 避 任以前。 暑那旺多爾濟着來隨駕屆 着倫保暫行護理侯該大臣到任時即行移交接管。本年五月殷駐 時仍交倫保護理欽此。 舰 事。

蹕

盛

業圖 汗 査達克多爾 濟褫職後長子米濟特多爾 承

圖

裳

古

逸 处 四

月

那

正多

爾濟蘊敦多爾濟先後到

庫

京

七十九

裳 190 更

業圖 秋 月 汗。車臣汗三處各派筆帖式二名。巴什戶三名。蒙文筆帖式差役台吉烏 庫 偷 辦 事大臣奏請需用差人甚多擬由 哲布尊丹巴呼圖 克圖倉上及圖什 拉

四十九年。上渝嗣 後會銜 奏事蘊敦多爾 濟銜名着列在倫保之前又上諭! 遜都

各一

名前

來庫倫衙

門差遣等語奉旨着照所請。

爾濟。 遇 有 在庫倫 上奏文件准其附銜會奏欽此。 衙 門學習辦 事業已有年。 事應已熟悉着加恩幫同蘊敦多

爾濟

辦事。

布

蕍 哈克圖 理事章京着歸欽差庫倫 辦 事 大臣 等直 接 管 轄。

庫倫辦事大臣等奏請在庫倫建築木房監獄六所四周 各處所獲之俄羅 十一年上渝圖 斯烏將勒吉布利 |汗。車臣汗| 亞各種人等庶免逃脫奉旨依 邪蘇台軍營甚遠庫倫較近 圍 樹 木栅。 以備 拘禁在 此

該 Ŧi. 兩 宜。 部 應行訓 仍照舊歸烏里雅蘇台將軍節制欽此。 練 一件業圖 II. **- 隊着歸** 庫倫 辦 事 兩部距離烏里 大臣等節制札薩克圖汗賽音諾彥汗兩部

五 十四年。庫倫立歷算大慶管理天象時憲事宜。

五十五年上渝庫倫辦事大臣衙門派設理事章京一 缺專管印房事務印房之有章

京自此始。

哲布尊丹巴呼圖克圖前往熱河。

五十六年。滿珠錫里呼圖克圖所立之廟。奉旨賜名祝福寺。

五十八年。庫倫靈盛攻璞新廟工程告竣

襲。 五十九年。圖什業圖汗米濟特多爾濟卒。所遺汗爾。奉上諭令其父查達克多爾濟承

諾彥呼圖克圖。因事被刺身死經部院奏聞奉上諭該呼圖克圖行止有虧此後不准 再行轉世。所遺佛象經卷。着賞給哲布尊丹巴呼圖克圖 收領。

六十年上論。據蘊敦多爾濟等奏稱哲布尊丹巴呼圖克圖擬於本年八月前 來熱河

觐見等情轉奏前來脫業經降旨允准。但該大臣等蘊敦多爾濟前年業已來京博克

裳 γi 逸 史

代哲 近 地 方如不敢使用欲行撤去亦聽其自便着一併傳輸遜都布多爾濟留 布 値 **尊** 丹 辦 事之時,均勿庸前來。着遜都布多爾濟。護途哲布尊丹巴呼圖克圖 巴曾經降旨賞用黃 幕此次途中。聽其自便使用不必阻 止行至熱河附 中心察看遵 來觀前

四 月上渝據巴爾桑和奏稱臣於途中謁見哲布尊丹巴呼圖克圖據其面 代雖經奉旨此次沿途未敢擅用等語該哲布尊丹巴呼圖 稱使 用

臘

辦

浬。欽此。

歲次丙辰滿洲 哲 幕 有 奉旨之日起即令更換黃 布 功黃教應即 節前 尊升 巴呼圖克圖亦應加 第五 施恩賞用黃幕以示優異再前 一代可汗嘉慶即位是爲嘉慶皇帝元 「韓車以示朕專崇黃教之至意欽此 恩賞坐着理藩院大臣速往中途迎接不 代章嘉呼圖克圖曾經賞用黃 年未 親 政。 克圖 論 經學淵源 行 幃 至 車該 何處。

哲 布 尊 护巴 呼 8 克圖由 一西藏奉請來蒙之滿珠錫里佛及瓦齊爾巴尼佛銅象在庫

偷 行 崩 光禮。

嘉慶二年。駐紮西寧親王。查巴克多爾濟長子查邦札布奉旨襲札薩克和碩親王爾。

三年。儲藏第十六代哲布尊丹巴呼圖克圖溫都爾格根舍利之銀塔鑄造竣工。 哲布尊丹巴呼圖克圖赴慶寧寺作善事並與諸喇嘛勘定教科經卷多種

札薩克貝子遜都布多爾濟卒。

四年乾隆皇帝崩嘉慶皇帝親政。

等廟念小莫楞經。 哲布尊丹巴呼圖克圖。鑄銅佛萬尊告成。奏請在大廟念大莫楞經。旋又請在綽克沁

在庫倫開光。 五年哲布尊丹巴呼圖克圖鑄十八羅漢象告成與西藏請來之瑪哈嘎拉佛象同時

碩親王爵。 六年洞果爾會成立西寧親王查巴克札布長子查達爾多爾濟奉旨承襲札薩克和

七年哲布尊丹巴呼圖克圖前往熱河。並在熱河建八塔。 蒙 古 逸 史

八十四

年 哲布 尊丹巴呼圖克圖赴額爾德尼昭又赴西藏時喀爾喀四 部呈遞丹書克。

赀

古

逸

史

來釋 九 年 哲布 迦牟尼佛象大邁達里佛象並甘珠經等項於冬季回 奪丹巴呼圖克圖。在西藏布達拉地方。從達賴喇 供奉由西藏請來之釋迦牟尼佛象名爲札爾尼 庫。 嘛受格隆 會。 戒並 曲 西藏

俄 车 建 廟 沙泥都爾公爵帶領俄人一百二十五名瓷途禮品入京事畢由庫倫

回 國。

達慶嘎拉巴混圖嘎巴坡博倫廟換建金色圓頂又在廣教寺附近烏蘭 十二年又由 給印信令其教授哲布尊丹巴呼圖克圖所屬之喇嘛堪布諾 年庫倫設立任戈爾學大慶封綽爾濟喇嘛羅布桑沙拉巴與教濟衆名號並賞 **「西藏請到佛象多尊並呈遞丹木楚嘎** 爾布丹書克 門罕等誦 邦 經、 與地

簡 札 薩 克貝子倫保多爾濟為鳥里雅蘇台參贊大臣額 駙 親王回 喀爾 喀。

札克楚巴林廟一設吹奔推因商卓特巴等喇嘛駐

沙都

巴札木賓

哲布尊丹巴呼圖克圖赴慶寧寺。移沙特都畢里克廟於奔巴圖地方。喀爾喀四盟呈

十四年庫倫設立查尼學大慶兩處。

哲布尊丹巴呼圖克圖移駐 熱河。

辦理哲布尊丹巴呼圖克圖所屬喇嘛事務欽此同時頒給印信。 十七年哲布尊丹巴呼圖克圖由章楚畢林赴達錫楚楞。 十六年上諭以乾德木尼推因喇嘛棍布札布為額爾德尼商卓特巴加封與教名號

金滿達拉特派札薩克圖汗及昭札薩喇嘛二人馳驛前往迎回舍利。 十八年哲布尊丹巴呼圖克圖由北京往五台山在道中示寂年三十九歲奉旨賞給

第二十代哲布尊丹巴呼圖克圖名羅布桑楚勒都木濟克墨特。 第二十代哲布尊丹巴呼圖克圖時代政略

嘉慶二十年乙亥降生於西藏富室袞布敦都布之家。 二十一年奉第十九代哲布尊丹巴呼圖克圖之舍利於外蒙慶寧寺建塔供奉同時

史

行開光神

二十四年哲布尊丹巴呼圖克圖在西藏蘭順吹楞地方從班禪額爾德尼喇嘛受哈

寧拉巴金戒。

民衆迎就法座並遞丹書克。 二十五年正月九日奉迎新哲布尊丹巴呼圖克圖由藏來庫於九月十三日喀爾喀

克圖之金洲。除從新另製頒給外,其金印一 道光皇帝即位為道光元年七月十五日上諭從前頒給與教濟衆哲布尊丹巴呼圖 颗亦照: 例頒給。

十一月哲布尊丹巴呼圖克圖受册封特進九白之貢。

道光二年。哲布尊丹巴呼圖克圖年八歲於九月十九日。在庫倫大廟親念丹蘇克經。 上諭伊勒克愼諾們罕額林沁多爾濟。着掌諾們罕印。並管理經棚經 會事務欽此。

會同辦事以後所辦事件的着稟由汗山盟盟長代奏可也欽此。 上諭庫偷乾德木尼額爾德尼商卓特巴棍布札布與盟 長副將軍等品級相同着即

三年洞 果爾滿珠錫里呼圖克圖就 登法

來熱河 四 年十月二十三日上諭據蘊敦多爾濟等奏 ·覲見等情查該哲布尊丹巴呼圖克圖誠心請覲殷甚欣慰但現份! (稱哲布) 尊州 色呼 圖 克圖。 懇請 年幼正宜 明 年

學習經卷明年着勿庸來熱觀見一俟應來之時再行降旨令其入覲賞給黃哈達

方着轉令祗領並將脫諭轉令遵照欽此。

之衰於此可見。 熱河。自第十八代降生西藏之後權力大殺道光四年。奏請入覲竟被拒絕禮意 格根終歲來往北京熱河之間出入宮禁都無形蹟乾嘉時活佛仍得以時駐錫 止室 三按康雍三 兩朝清室對待哲布尊丹巴呼圖克圖禮貌至爲隆重優渥溫都 爾

歸庫偷辦 月鳥里雅蘇台將軍等由理藩院轉奏稱此後圖什業圖汗車臣汗兩盟員兵旣 事大臣訓練。所有該兩盟應放官畜亦應撥出。擬請將軍營應用之馬

駱駝 漤 古 百隻悉數撥歸庫倫附近地方收放以備訓練之用等語奉旨着照所 逃 史

八十七

裳 古

逸 址

准其前往四藏。從達賴喇嘛受戒等語。奉旨准如所請。 六年。庫倫辦事大臣等奏稱明年為哲布尊丹巴呼圖克圖十三歲受戒之期應請旨

管一 異等語奉旨着照所擬辦理。 此。 請報效足見誠懇着即由烏里雅蘇台逕途古城交納偷保多爾濟着加 所用駝隻。業經筋員備辦足用。但烏魯木齊一帶。需駝孔殷該汗王等聞 等名下,共捐駱駝三千隻。臣倫保多爾濟又自捐二百隻。一併報效前來等因查軍營 心似可 蕁 **支玉搬指一支大緞四疋,其餘兩盟汗王等着由理** 由理 呼圖克圖等稱近聞回驅哈什哈一帶地方軍事方殷需用駝馬謹由各該汗 據倫保多爾濟等奏稱札薩克圖 勿庸賞給緞疋擬請以各汗王等報效駝隻數目之多寡分別紀錄以示優 滿院覆奏恭查該 兩溫汗王等各由本人名下奏請報效駱駝 汗。賽音諾彥汗,兩盟汗王貝勒貝子公札薩 藩院分別開單賞給 三千隻出 恩賞給玉翎 回 疆多 緞疋欽 事。奏

自

准前 多人。所請着勿庸議。欽此。 足用,若令運送烏魯木齊軍營則該汗王等又不免多費耗用,股實不願。着由該大臣 衛差使。在營効力等語。查該兩盟汗王等奏請報效駝馬。殊堪嘉尚但軍營馬匹現已 分別傳說各該汗王等停止貢輸以示體恤蒙人之至意再該大臣所請伊子二人懇 十隻擬令伊子多爾濟毘拉穆等自行照料運送軍營備用並懇恩賞給伊子等侍 月上 在軍營効力。並求賞給侍衞差使一節軍營此刻。員兵雲集各有職守。並無需用 吉呼圖克圖等稱情願報效駱駝二千隻馬二千匹該大臣又自捐馬一百匹駝 | 諭據蘊敦多爾濟等奏稱圖什業圖汗。車臣汗兩盟汗王貝勒貝子公札|

多爾濟在任溘逝殊深悼惜該郡王駐庫四十餘年協助欽差大臣辦事素矢忠勤數 十年來邊圈承平動勞卓著。着施恩追贈親王所有卹典着理藩院查照親王例賞賜 ·年·庫倫辦事大臣札薩克多羅郡王蘊敦多爾濟卒。十一月初一日上諭驟聞蘊

炭 古 逸 史

| 識參赞大臣貝子倫保。著調充庫倫辦事大臣賽音諾彥車林多爾濟。着署理鳥里

年上諭本年正月二十日。據西寧參贊大臣紅摺奏報。張王等軍。在哈什哈爾卞倫 蘇台參贊大臣欽此。

出大黃哈達一方並問該哲布尊丹巴呼圖克圖好着倫保多爾濟遵照欽此。 民亦得以安居樂業殊堪嘉慰想爾哲布尊丹巴呼圖克圖奉渝之下亦必欣悅茲發 外里拉天蓋山上生擒匪首札嘎爾一名餘黨業經點清等情從此回驅安謐蒙邊居

克。現在回籍。乞沛恩施等情查哲布尊丹巴呼圖克圖駐錫庫倫表率黃教,伊兄成丹 十二月二十二日上渝據倫保多爾濟等奏稱哲布尊丹巴呼圖克圖胞兄成丹綳楚 楚克。由西藏隨護九年。殊堪嘉許。現在旣欲回藏。着加恩賞給五品頂戴以示脫篤

念之意欽此。 止室 |按乾隆二十四年。第十八代哲布尊丹巴呼圖克圖之父。因隨同 來庫保護

曾經賞給五品頂戴第十九代之父係照西藏達賴喇嘛生父封典舊例賞給公

爵最爲優異。

沿邊各將軍都統暨各領隊大臣等平時茍安不事整頓所致理應從重治罪以儆將 情此次奏請回驅添駐防兵摺內。又稱該處馬隊騎射的不精熟恐難得力等語是皆 去年回疆肇亂調軍征勦曾據西寧等處奏報烏魯木齊戍防軍隊疲敝不堪等

由理藩院抄寄上諭蘊敦多爾濟之子多爾濟巴拉坦隨同伊父在庫當差多年人品 兵須得一兵之用。倘再玩忽定行從重治罪欽此。 來。姑念此等積弊。由來已久。自非一任一人所致。此後該都統等務當竭力訓練練

端正着施恩賞給頭等侍衞並交由倫保多爾濟差遣學習辦事以示殷篤念勳臣之 文。日口傳。日綠頭牌摺子。清文上諭。由本管衙門譯漢。字句間有未合。口傳及綠 用蒙文或清文。至光緒初年始參用漢文。嘉慶以前上諭原分四種日漢文日清 止室按右書所錄勝朝上諭。多爲東華錄所未載。淸例理藩院分行蒙古公牘向

逸史

ij.

占 逸

九年十二月。奉旨雅蘭泰着承襲圖什業圖汗爵。

頭牌摺子。不由內閣。不發科抄即時奉行殊難查攻。宜乎他書之不多見也。

無多上下八百年。獨能燭其大者。殆亦喀爾喀之有心人與。 湮沒質諸蒙人亦鮮有審之者。書至道光九年止其為嘉道時人無疑。全帙篇幅 止室按是書不署作者姓氏以事關國故有所諱避放匿之邪抑傳抄日久因而

九十二

國立北平圖書館藏

上海及各省商務印書館代售蒙古逸史一册定價六角